

UKUSENDA ULUBALI NA YESU

2 . . . incende imo mu Louisville, uko imwe—imwe mulya, kabiya kabili yena itwa ukutila, lekeni tumone, Dogpatch Restaurant. Ninkwata imo, ileelo. Ilyo umuntu onse alya palya, nomba basenda indalamo isho mwabapele, nokutumina ichalichi kabili nokufumyapo icekumi. Yaba pancende imo pa 319 mu Musebo wa West Jefferson. Ndemona ulya e mulandu wine Billy acibikile pano, ukutila bengamona. Ico cisuma nganshi.

3 Nomba, mwe babwananyina, Nshaishiba ubutantiko bwenu mu—mumusonkano wabashibantu, ifyo imwe mucita, nangu fintu mutungulula imisonkano yenu. Kabili nga Nafuma mufitantikwe pano, mulandu nshi, ukufuma pafyakukonka, mulandu nshi, munjibukisheko.

4 Cena cacitantikwa muno bushiku, Nacitontonkanya ukutila, nga fintu Nakwete i—icakulya cacungulo tekale sana nakakumba wesu uwatemwikwa, Munyina Neville, kabili Nalelanda icintu cimo kuli ena ico icili pa mutima wandi. Kabili Natontonkenye ukutila, nga twabula ibumba lyabaume ukubabika pamo, kabili bakapyunga, bena babomfi banensu kuno aba Mbila nsuma, nabaume, kuti twalande kuli umo nomunankwe mumusango uo teti tulande kucintu bwingi. Pantu ifwe bonse tuli mu... Ifwe tuli baume abailuka nga baume, abaume abena Kristu. Kabili ulya musango, ilingi line, mulukuta, ibumba, mwalanda icintu cimo, kabili—kabili umo ali nokushintilisha cena panono *uku* lubali, kabili umo ali nokushintilisha cena *kulya* lubali, kabili—kabili lyena cena cilaya. Lelo twishile mukwesha, muno bushiku, ukumweba ico Nkwete pamutima wandi, palwa chalichi, kabili cena—kabili cena incende yaciko, kabili icifulo caciko. Kabili nga twapwisha munshita iisuma, kuti Natemwa ukulanda kuli imwe panonofye pa Cebo, nga cakuti cilifye bwino. Cilifye ngecapwisha ico, eico tuli nokubula iciputulwa cesu ica makwebo, nangu iciputulwa ico Ndefwaya ukulangisha kuli imwe, mukubalilapo. Kabili Nde elenganya nalimo kuti mwafuma, inshita yaishibikwa, kuma naini sate nangu ifyapala ifyo, cila bushiku. Ukuba, Nalaesha ukukana musunga inshita itali. Mailo nipa Cibelushi, kabili bushiku ubukalamba uwamakwebo, lelo nomba tufwile ukushita ifyakubomfyamayanda yesu nafimbipo.

5 Ndefwaya ukulanda kuli Munyina Neville, pa cintubwingi. Nomba Nde—Ndefwaya ukulanda, kuli cila umo muli imwe, nga fintu Nalelanda naimwe kumbali, cila umofye. Pantu, imwe muli ibumba ilyo—ilyo lili... Ndetontonkanya mucine ukutila, nokucetekela nokufunda, ukuti, abaume, Lessa alipanga abaume ukuba intungulushi sha Chalichi Cakwe, pabantu

Bakwe. Mwamona? Kibili cena cili i . . . Ilyo Naleshimikila kulya kuli Munyina Junie Jackson, mailo ubushiku, palwa kwa Lesa ukucingilila abantu Bakwe—Bakwe ne Cebo Cakwe. Kibili cali mwanakashi uyo wapulile muli ulyo mulongo nokupelulwila, kibili ilyo cali ifyo, Lesa pe na pe lyonse alicibika pa Lwakwe, pa baume ukusunga i Chalichi Cakwe icacingililwa ne Cebo.

⁵ Nomba, Nde—Ndefwaya ukukoselesha Munyina Neville panonofye, ukulanda naena pambali. Nalimwene mailo ubushiku, ukulingulula kwalinjikete, imiku ibili nangu itatu, ilyo Nali pacintamba. Kibili Nalipilibwike, pantu Ndeesha ukutaluka ukufuma kuli cena ngafintu Ningacita, mpaka Nasanga ifyo iciloto capilibwile kuli ine kuno tekale sana, imilungu inono iyapitapo. Cena calikala pamo naine pashita ntali. Nalicilandile muno muchalichi, palwa cintu cimo palwa Mbila kibili—kibili ukulingulula, kibili nafimbipo. Cena tacalifye, cena tacafuminefye icalungama. Kwi tontonkanyo lyandi, ilya nshita naipwa, kibili—kibili ine limbi kuti Naba mucilubo pali ico. Lelo Nalimwene ukutila—ukutila Munyina Neville ali ngo wafunshika nokumfwo bubi.

⁶ Kibili nomba Nalefwayafye ukuti imwe mwishibe, Munyina Neville, ukutila mulesubilafye muli ili senge muli ico. Bushe namumonafye ifyo Satana aesha ukucita munshiku ishinono ishapitapo kuli bakapyunga abo abaampana muli ili senge? Imininenifye pamaminiti ayanono, nokwingililamo. Munyina Crase naikala pano, ekele pano, muno bushiku, aali mupepi nokufwa pamusebo palya. Mwamona? Kibili Nali nokuposha umutwe wandi nakafuti akanono, nangu nemfuti iikalamba. Mwamona? Satana alesha ukutusenda. Kibili palya wailepunkamofye, kibili nga wali ipeye pamo na namayo umo. Mwamona? Nibakapyungafye, lolesheni kwibumba lya—lya bapyunga. Mwamona? Ni Satana, kibili ena aleesha ukutufumyapo ifwe.

⁷ Nomba, ifwe tuli, abailuka ukutila, ifwe tatulongene pano ukulanda pa mulimo umo. Tuli pano mukulongana, ukulanda pali i . . . pali Kristu, kibili nefyakwikatilako ukwikatilila, kibili nefyakucita pali ino nshita.

Kibili Nde—Ndefwaya ukukukoselesha, Munyina Neville. Ube uwakosa. Temulandu icaisa, icaya, icacitika, wikalekafye icintu nangu cimo cikakuponene. Imininafye palya nge libwe lyakale, kibili Lesa ali nokulenga ifintu fyonse ukufumafye bwino. Ena nashininkisha ico kuli iwe. Mucine, cilya nalimo calikukalifya, cilya nga calipeye ulya namayo, kibili cilya nga cali mumano yobe, inshiku shobe shonse, kibili nga kwali ifintu ifingi. Lelo Lesa acili pa Cipuna cabufumu. Ena, Ena aleka filya fintu ukubomba bwino. Ena nga alitusendele, pamo. Kibili, eico, Satana alelwa ku Chalichi.

⁸ Nomba, ilyo Nabikile lilye libwe lyapa cifutu palya lulyo lucelo, Nshatalile umfwa ukutila kuti Naba kakumba. Tacali mubwite bwandi, pa kutendeka. Kibili ubwite bwandi ubwantanshi bwali nokuba mwibala lya kusabankanya imfila nsuma. Ico cali imyaka ingi iyapitapo. Kibili catendeke, uku lubali mwitenti, ukucilukafye umusebo.

Kibili Ndeibukisha ilyo Munyina Roy Davis, kulya, kibili ichalichi cakwe calipile. Lilye bumba lya bantu lyalifye nge mpaanga isha salanganishiwa ukwabula kacema, talyakwete icifulo cakuyako.

Kibili Mista Hildelberg ali Umukalamba wa Bakapokola lilya, kibili alinjiti kulya lubali. Atile kuli ine, "Tuli pano kukumwafwilisha." Atile, "Ndi Katolika, palwandi, lelo," atile, "balya bantu," atile, "beno nalimo tabakwata ifyakufwala." Yali ninshita iyakutitikishiwa kwa bwikashi bwa bantu. Atile, "Baya ku machalichi yambi kibili tabakwata umutende muli filya fifulo, kibili bena bantu abasuma. Nalishiba abengi muli bena." Atile, "Billy, nga ulefwaya ukutampa chalichi," atile, "Ndefwaya wishibe ukutila ifwe tuli kunuma yobe mucintu icili conse ico twingacita kukumyafwilisha." Kibili Nalimutotele pali cena.

⁹ Twalikwete ubushiku bwa fishibilo. Intansi, twalipepele nokwipusha Shikulu. Kibili abantu baleisa kuli ine nokufwaya ukukula ichalichi, icakuti bakwate incende yakuyamo. Kibili twasalile ino ncende, kibili ubushiku bumo nga ino nshita, nangu ukwendelelako panono kuno, pamupili wafyani muno mwine, kibili mwali amenshi muli uno mufo, kibili palifye kwati nipacishala. Ukuba, Shikulu alandile kuli ine mucituntulu kibili atile, "Likulileni pano pene." Tapali ikobili lya ndalamala kibili pakati kesu twakwete nalimo—nalimo ama centi amakumi cinekonse konse nangu umo dola. Kibili ico, mucine, imwe kuti mwaseka pali ico nomba, lelo, munyina, isho shali nindalamala ilya nshita.

¹⁰ Ilyo abena mupalamano baipika impoto ya cilemba, kibili basenda umwina mupalamano uushalile nangu cimo inshiku shibili nangu shitatu, aisa lyako inono, shilya shali ninshita shakosa. Abengi abalumendo tabatala cimonapo ico, lelo cali icakosa. Nalimonapo inshita iyo mwingapishamo imbale iyamusangulo muno muchalichi, imiku ibili, nangu itatu, nokukwata ama centi amakumi yatatu ukufuma muncende umwaisula, nokulomba. Kuti caba... Kuti limbi mwakwata amacenti amakumi yatatu, kibili nomusangulo uusuma. Mwamona? Caliba icakosa nganshi.

¹¹ Kibili tatwakwete nangu cimo icakukulila, lelo u—ukukabila kwabantu kwali ukukula ichalichi, icakuti tukwate incende yakuyamo. Pantu, muli shilya nshiku... I Mbila, ukuba, uletontonkanya ukutila Yena ilatontonkanishiwapo ifyabipa nomba. Mwalingile ukucishiba Cena lyena, ilyo takuli nangu

umo, kibili nomba kuli ulu lubatisho lwa mumenshi mwi Shina lyakwa Yesu Kristu, kibili a—amapalo nefintu ifyo twacetekelamo nokwimininapo.

¹² Eico pa mutima wandi Nalipangile ubulayo kuli Lesa, ukutila twingekala pano nokukula ihema. Ulucelo ulo twabikile ilibwe ilya pacifutu, Alinkumenye kulya kwine mucimonwa, nalimo eiti koloko lulyo lucelo, ilyo Naikelle kulya, ndelolesha kwishilya, akasuba kaletula mumulu, nalimofye nga ino nshita ya mwaka. Kibili Alinjebele, panuma Ankumanya kwisamba pa mumana, na Cilya, ilyo Malaika wakwa Shikulu amonekele muli lulyo Lubuuto. Nali Lumwene akatalamukila. Lwamoneke kwati lutanda. Kibili Lwaishile palya pene pantu Nali, kibili filye Fyebo ifikankala fyalilandilwe. Kibili eico, nomba, Nalipangile ukukwata incende ya bantu iyakupepelamo.

¹³ Nomba, Natontonkenye, ne mwine ukutila, “Te candi. Tacili nangu cimo kuli ine.” Lelo nomba icintu icili conse icilekuma kuli Lesa ciputulwa candi, te mulandu nga cena cili . . . Icintu conse ico cili—ico cili cabana bakwa Lesa, cena candi, nga cakutila cena mulimo wandi ukucita *ici*, nangu ukucita *ico*. Cena mulimo wandi ukumona pafipe fyakwa Lesa, te mulandu apo fibelele. Mwamona?

¹⁴ Nga fintu mwingatila, “Ukuba, iyandi . . .” Nga fintu wali umulumendo umwaice, watila, “I—incito yandi kuputaulafye inkuni, tekushilonga. Lekeni Yohane ashilonge. Nshilesakamana nga cakuti imfula yabuta yaponena pali shena, imfula. Lekeni afume panse nokushibula.” Iyo. Cena mulimo wenu pamo nga—ngo mwana uwa palya pa ng’anda ukumona ukutila shilya inkuni tashibombele, isha banyinenwe. Mwamona? Shingisheni.

¹⁵ Nga batila, “Ukuba, Frank nga aciya senda amenshi. Te mulimo wandi.” Lelo nga Frank tasendele amenshi, mulimo wenu ukusakamana pa menshi. Epelafye. Nomba, ilya e nshilafye cibombelamo.

Kibili ulya e musango cabelamo mulupwa lwakwa Lessa, pamo. Nga bambo muli bena—bambo muli bena batila . . .

¹⁶ Umbi, tapapitile inshita, atile, “Leka ukushimikila mumusango ulecitilamo. Mwe, kwena, iwe uli nokonaula cibusu onse untu wakwata, nefintu fyonse nga filya.” Atile, “Ico cileke cibe. Ninjishiba cilubo, lelo, mwe, cena temulimo wesu.”

Ukuba, mulimo wakwanani nomba? Nga cena cilubo, umuntu umo alingile ukucicita, eico lekenifye tucicite. Kibili ulya e musango Ndeumfwilamo palwa Chalichi.

¹⁷ Ubutantiko bwa fyakukula kibili nafimbipo fyalis, pamulu napanshi, pamulu napanshi, kibili kwaliba ifyakusuminishanya nefyakukanya, mu fikulwa, kibili nafimbipo. Umo alecifwaya, kibili umbi talecifwaya, kibili *ici*, *ico*. Imwe, mwakulacisanga ngefyo fine.

¹⁸ Imwe kuti mwasanga ukutila ilyo mulebomba nabakapyunga, pakati ka bashimakwebo, pakati pamayanda yabeni, ukuli konse uko mwingaya. Uko mwakwata ibumba lyabaume, mu—mulakwata amano ayapusana pusana. Kibili eico, nomba, mulingile ukukwata umuntu umo uo mwakwata ukusubilamo, nokusala ulyo muntu. Bonse mwabomba neco.

Nga fintu mwaba mumulalo waba bulwi, mulingile ukukwata cilolo umo, ulya e musambo. Kapitao atila *ici*, ena ni kapitao uwa lilye bumba, lelo lyena cilolo kuti apilibula amafunde yakwe.

Kibili Cilolo Umukalamba Washalikishako, mucine, ni Yesu Kristu, mu Chalichi. Kibili bakapyunga Bakwe niba cilolo Bakwe abamabumba, abo—abo abale Mwimininako pano pesonde.

¹⁹ Kibili bena balyesha ifintu ifingi, ihema ilinono pano. Kibili mukulekelesha...Naikene tondolo muli lyena, ukutila ndemonafye, panuma Nalikula. Kibili nomba Shikulu alinjitimukuya mwibala, nalimo ikumi limo na isano, imyaka ikumi limo na mutanda iyapitapo, kibili Nalishile ichalichi.

Lelo, nalyo, teti Ncishefye. Lyonse ishina lyandi lyaliba ilyakumako kuli cena, icakuti Ningasalako panshita imo nga kwaba icalubana icatampa muno. Ine kuti nakwata insambu ishakwisa kibili—kibili nokucikanya, pantu Nalipiba pa myaka ingi kunuma ya ici cintamba, imyaka ikumi limo na cinelubali umu, ukucisunga munshila iyaololoka. Ilyo amasambilisho nefyakwingila nefyakufuma, nafyonse ifyabufi ifyapusana pusana. Kibili pakuba incende yafilonganino ifingi, ifintu fyonse ifyapupukilemo, fyapupwike muli *uyu* musango, kibili ukupitila mukwafwilisha kwa kwa Lesa twaiminine pano ne Mbila nsuma iishakoweshiwa, kibili cena caimininafye cimo cine muli buno bushiku. Cisuma, eico ifwe...Lelo kwalibako inshita isho baesha ukushitisha ici chalichi icakuti ndeke ukucimonapo, ne fintu fyonse ifyashala ngefyo. Nge shina lyandi talyali ilyakumako kuli cena kulya, mulandu nshi, cena mucine kuti caba, nga cali icakosa muno bushiku. Te...Kibili tacal nine, cali ni Lesa, mucine, uwacitile ico.

²⁰ Kibili nomba, nga fintu Nacimona nomba, ukwisa muncende iyi, kibili tuleikala muli ora iikalamba, cena cicili icanshingama ukusosa icintu cimo palwa, chalichi ino mwamona, pantu cena cili—cena ciputulwa candi. Te mulandu nga cakutila Ndi pano nangu iyo, cena cicili iciputulwa candi. Kibili mulimo wandi ukumona ukuti cilebomba icabusaka, icaumfwika bwino, kibili icawamisha ico Ningacita ku Bufumu bwakwa Lesa.

²¹ Kibili Ndetasha nganshi, ukutila, muli ishi nshiku, Ndemonia cena nacikwata amachalichi ayo citungilila ayanono kuli cena, ico Ndetashapo. Munyina Crase kuno, ibumba

lyakwe ilya Sellerburg; kabiili munyina kunuma kulya, ulya uusendelefyenye icifulo cakwa Munyina Snelling ku Utica; na Munyina Ruddell kuno; na Munyina Junior Jackson; kabiili balya balumendo abawamisha, abantu abasuma, abantu abasuma abakwa Lesa. Bena bashimikila iyi Mbila. Nomba, kuti bena ba, umo kuti akana ukusuminako apanono pa cintu cimo nangu cimbi, ico ecisangwa pabantu pakati kebumba lyaba kapyunga nomba. Kabiili bakapyungu nga bakwata ukupusana ukunono, kwena takwakabe i—icinshingwa cabupusano pali cena.

Nalimo umo limbi kuti atila, “Nacetekela ukutila imyaka Ikana limo ikesa, kabiili Yesu akaba pali kabalwe uwabuta.” Umbi nao atila, “Ndecetekela, ilyo Akesa, Akesa pekumbi ilyabuta.” Ukuba, nga cakutila bena bacetekela ukutila Ena aleisa, ico e cintu icikankala, mwamona, te mulandu umusango Ena aleishilamo. Cikulu, bena nabacetekela ukutila Ena aleisa, nokuiteyanya palwa cena. Kabiili ulya musango . . .

²² Ninjesha ukusanga nomba. Kabiili Ndabelenga. Nacicilanda mulukuta. Ndabelenga palwa Chalichi capakutampa. Kabiili Namwene inshila iyo balya abantu abasubwa bapekenye i Ng’anda yakwa Shikulu, kabiili imitantikile yakupepelamo Shikulu mu Ng’anda, kabiili calinjikete nganshi, bwino bwino. Kabiili Nalishimikile pano inshita imo akale, kabiili pesambililo lyakwa Yoele 2, “Nkabwekeleshapo, efya sosa Shikulu, yonse imyaka iyo makanta uupwishishisha alile, namakanta uumeng’nyea, namakanta uupputaula, kabiili nafimbipo.” Kabiili Natendeke ukubelenga pali cilya, pafyo aba bantu bacitile, kabiili umusango untu basungilemo i Chalichi ico Lesa abashilile bukacefyenya.

²³ Nomba twalatampilapo i Chalichi lyakubalilapo, noku Cileta pali baminiti basano nomba, kulya kufyo bacitile, kabiili nomba kuti Namulangisha icimonwa ico Nakwata ica kunshita iileisa. Nomba, pakutendeka, i Chalichi catampile pa Pentecosti. Kabiili palya Mupashi wa Mushilo wawile pali bena, uko Yesu asalile ikumi limo nababili. Kabiili umo muli bena aliwile, kabil balisalile Matia ukusenda icifulo cakwe. Kabiili Mupashi wa Mushilo walolele mpaka fyonse ifi fyaba mubutantiko, ilyo nomba Wena waishile. Bena balingile ukusala umo ukusenda bu bishopo uwa—uwakwa Yuda, uyo wawile palubembu, ukufikilisha Amalembo.

²⁴ Kabiili Ndecetekela ukutila fyonse ifi fintu fyalikwata inshita iyakushinga shinga, ukulolela, lelo ilelolela inshita iya Malembo ukufikilishiwa, mpaka ifintu fyonse fyalungama, ifintu fyonse mumutande, ukulolela. Inshita ishingi tulakwata i—. . . ukukana shikimana, ngo mwana umunono. Ifwe ayakalamba . . . tukwata ukwenekela ukukalamba, kabiili inshita ishingi tulatolokela kuntanshi nganshi, kabiili ico—ico cilacingilafye umulimo, mpaka umulimo waikatwa. Mwamona? Tufwile twaernda abamucinshi, ukukwata

umulandu umo mumutima ukutila Lesa, nga cakuti Ena kuti akabila ukutubomfyia *mucintu ici-ne-cintu ici*, lelo loleleni mpaka Ena aisulako, pantu Ena alingile ukututangilila.

²⁵ Ibukisheni Davidi ilyo aleya kubulwi bulya bushiku? Ena ali uwafunshika palwa bulyo bulwi, kibili alele mwisamba lya fimuti fya malubeni mpaka aumfwa Shikulu mukubulukuta kwa mabula, alemutangilila. Nomba aile nokushipa, pantu alishibe ukutila Lesa alimutangilile.

Kibili nga kuti twacitafye ico, mwe babwananyina. Ukwishiba ukutila ati ubulwi bulingile ukwisa, lelo tulingile ukulolela mpaka twamona ukuboko kwa kwa Lesa ukuya kuntanshi yesu, kukupanga inshila.

²⁶ Nomba, Namona ifyo amachalichi, bukasabankanya wambilansuma batampile ukusalanganya konse. Kibili nomba natubule, tutile, Paulo ukuba minshoni umukalamba kubantu besu. Twasanga ukutila ena aleya, konse uko Shikulu amutungulwile, kibili ashimpile ichalichi. Kibili cena cali Cicetekelo cipyia. Amachalichi yamuli shilya inshiku, nga mu Asia Minor, ukupita monse mu Europe, bena—bena tabacetekele ilya i Mbila. Kibili ilyo ena ashimikile i Mbila, kibili abengi bapilibwilwe kuli Yena, lyena takwali nangu umo... Nga cakuti ena ashile abantu muli ilya mibebe, balebwekelamo kumilungu yabo iyabusensi, nakuli Judaism, nokwashala kumbi, pantu abantu tabakwete nangu umo uwa kubasambilisha. Aba—abapilibulwa, tabakwete incende yakuyako, eico Paulo abikile amachalichi mufiputulwa fyalekana lekana ifya calo.

²⁷ Cila cimo pali aya amachalichi, ashilepo umo umuntu uwali mumutande, umuntu uwa, umuntu uwacetekelwa uwaishibikwe nga kakumba, kacema. Nangu, nomba, panuma ya ici chalichi nomba caba... Amachalichi yambi ayanono yafumine muli cena. Abalumendo nabaume abakote abakushiwa, nokwisaba amachalichi ukufuma kuli cilya. Umuntu uwalemona pali chalichi yakubalilapo aleitwa bishopo. Kibili nomba abakwe abafumine muli ena, abana bakwe, baitilwe bakacema, nangu bakakumba. Kibili nomba... kibili cila ibumba lya machalichi ayanono bonse balebwekela kuli uyu bishopo.

²⁸ Nga fintu cali munshita yakwa Irenaeus, ena asendele icintu cimo cine. Martin asendele icintu cimo cine. Polycarp asendele icintu cimo cine. Ukuayafe ukupita munkulo, balikwete cilya. Kibili nomba umutumwa wa Chalichi, umutumwa, ulya ali ni Paulo. Kibili ilyo Paulo afuminepo, Yohane afuminepo, pabutungulushi bwa Chalichi. Kibili ilyo Yohane afuminepo, Polycarp ewaletungulula Cena. Ilyo Polycarp aile, Irenaeus atungulwile Cena. Kibili ukuyafye pantanshi, Martin, kibili nokutwalililapo.

Catwalililepofye ukuya mpaka ichalichi ca Katolika waci Roma catobele icintu conse mutupimfyia, nokuboca,

nokubasalanganya. Kabi na makanta uuupwisishisha alile *ici*, kabi na makanta uuputaula alile *ico*. Kabi nafimbipo ukulya *ico*, nokulya *ico*, mpaka bena bacifishishe Cena ukufikafye mumupeti.

Nomba, lelo, Lesa alilaile ukubweke shapo nakabili ico cintu cimo cine.

²⁹ Ninkwata...Ndecetekela, nomutima wandi onse, ukutila tuleikala munshiku shakulekelesha. Ndecetekela ukutila takuli—takuli ifingi nganshi ifingatoba ici, icintu icili conse... Kabi ubwilulo bwandi kuti bwaba ubwalubana, ubwa Malembo, ukutila Yesu tekuti ese muno bushiku. Ndecetekela ukutila ifinono ifyashala fikafkilishiwa, kuti fyafkilishiwa ilyo tabulaca mulucelo, kabi kuti Namona. Kabi Ine limbi kuti nalufyanya pa nshita ya kulya ukufikilisha, lelo kwena kuli mupepi. I...Ndecetekela cilya.

Kabi, ibukisheni, Paulo acetekele ico. Yohane acetekele ico. Polycarp acetekele ico. Irenaeus acetekele ico. Martin acetekele ico. Bonse abashala balicetekele ico.

³⁰ Inga nga cakutila Lesa alyebele Yohane, kasokolola ukutila, "Nomba, cikaba imyaka amakana yabili ilyo Ukwisa Kwandi takulaisa"? Yohane ngalibwelele nokweba i Chalichi ukutila, "Ukuba, Ndemonia ifwe kuti cawama ukulya, ukunwa, nokusansamuka, pantu kuli nokuba inkulo ishingi." Mwamona? "Yesu taleisa pa myaka amakana yabili." Mwamona? Eico, mwamona, i Chalichi nga calikakwilwe. Nga takwali "pa lulembo." Nga takwali ukulolela.

Nangu cibe ifyo, kwenekela kwenu, nga wapona mutulo muli iyo nshita, ninshi kubuka nokwenekela kumo kwine. Pantu, cena tacakaleshe icintu nangu cimo. Imwe muli nokuba palya pene panshita, nangu cibe fyo. Mwamona? Mwamona ifyo Ndepilibula?

³¹ Nomba, ilyo—iloy Martin Washila aimu mukubuka, Paulo Washila, bonse abashala, cikabafye icipyga ngabali mubulwi, balelwa palya pene, pantu bena baile pesamba lya kulya ukwenekela kumo kwine, ukufwaya Ukwisa Kwakwe. Kabi kuli nokuba Ukubilikisha ukukesha, kabi i Chalichi conse cikema. Mwamona? Cikaba eco. Eico, cena tacilesakamika. Mwamona?

³² Ifwe tulingile ukula Mufwaya ino ine nshita. Nangula... Ifwe tatwishibe. Cena—cena kuti caba icingacitwa ukutila kuti caba imyaka umwanda ukufuma pali nomba. Kuti caba imyaka imyanda isano, imyaka ikana, imyaka amakana ikumi. Nshishibe. Tapali nangu umo uwaishiba. Lelo, tutile, mucakumwenako, ukutila twaikeli cila bushiku, ukutila Ena aleisa bulya bushiku. Mwamona? Nga cakuti twaikeli nga Uuleisa buno bushiku, ilyo twabuka, nga twalala, kabi twabuka mukubuka, cikabafye icipyga kwati elyo twapona

mutulo, tukabukafye. “Intandala ikalila, abafwila muli Kristu bakabuka intanshi; naifwe fwebali nomweo nabashala tukekatwa capamo nabo, mukukumanya Shikulu mulwelele.” Mwamona? Eico cena cikabafye icipy.

³³ Lelo nomba, mpaka ilya nshita, mpaka Ena akese, tulefwaya ukwikala cila bushiku kwati Ena akesa pali miniti uuleisa, pantu kuti caba impela ya mweo wenu pali ilya miniti. Imwe tamwishibe ilyo muleya. Ici kuti caba umupu wesu uwakushalikisha, natu ukwata muli ifwe nomba, eico mulefwaya ukwikala ngefyo cili.

³⁴ Lelo nomba ukutwalilila, ukutwalilila, ifwe tulingile ukubika ifilengo fyamakasa pano pa misensenga yanshita, ukutila bambi bamone. Nga Paulo taile mu musango acitilemo, lyena Yohane nga taishibe ifyakukonka. Nga Yohane taile, Polycarp nga taishibe ifyakukonka. Nga Polycarp tatwalilile, Irenaeus nga taishibe ifyakukonka. Nga Irenaeus taile, Martin nga taishibe ifyakukonka. Mwamona ifyo Ndepilibula? Cila umo alingile ukubika ifishilwa fya makasa mumisensenga yanshita.

³⁵ Ukuba, nga Natontonkenye ukutila kwaliko icilonganino nangu ibumba ilili lyonse ilya bacetekela, abakwete icawamishapo ukucila pafyo twakwata pano, mwe babwananyina, kuti Nafwaya ukuilunda uno mubili nabo bwangu bwangu. Nalilolela, Nalekabila, Naliba mukwenekela ukukalamba nokucetekela ukutila umo umukalamba alinokwissa ubushiku bumo, nangu nalimo kasesema mukalamba untu Nandapo akesa, uwakwa Elisha. Ine lyonse nalicetekela nokutontonkanya, nalimo, ukutila nalimo kuti Naba nomweo ukumona ubushiku ubo Ningapilibuka, nga Namona uyo muntu aima pacifulo, kuti Nasenda ichalichi candi icinono nokutila, “Mwe babwananyina, *uyu* e muntu uo tufwaya. *Uyu* muntu, ena eowine.” Nalilolela pali ico.

Kibili nga cakutila cilya calipita mucine, lyena Ndefwaya ukutila, ukufuma pamulu *pano*, “Mwe babwananyina, *uyu* Eowine,” aleisa ukufuma *kuno*, mwamona. Kibili Nde—Ndefwaya ukumona ichalichi catwalilila nga filya.

³⁶ Limbi nalinyantile pa cintu cimo, nangu ukucita icintu cimo, kibili nokubikamo ubwikashi nabumbi muli cilya cintu. [Munyina Branham ashumbako ku cisoselo—Kale.]

³⁷ Eico nomba kuti Natemwa ukulanda ici, ukutila, nomba ukutila ici cichalichi cashimpwa.

³⁸ Lekeni njimininefye nakabili, pakashitafye akanono. Ilyo Naile ku Bombay, Napendele kulya ukulongana ukuba ukukalamba nganshi pali konse pa mulandu wafyafuminemo uko kwakwete pa bantu. Kibili Ine... Nga cakuti mu Africa, batila amakana amakumi yatatu baishile kuli Kristu pansiha imo, lyena kwaliko umwanda umo na makumi yasano, nangu amakana yabili abaishile kuli Kristu pansiha imo, ukufuma

muli ulya citika wa millioni kulya. Mwamona? Ni cinshi ico Ningacita? Takwali icintu nangu cimo. Nalimo, limbi, ukulanda ukutila kulya kwali, natutilefye, kwaliko amakana umwanda aya bena. Takwali ichalichi, tapali nangu cimo ico Ningacita. Takwali nangu umo uwakubapela. I Mbila iyo Nacetekela, Ine... Takwali nangu cilonganino ca Pentecosti icaleumfwana naine. Kibili yonse ilye myeo nalimo nalimo yabwelelemofye muma Sikh, muma Jain, muma Buddha, nakonsefye uko bafumine. Tapali incende iyakubabikako. Nomba, ico cansoni. Ico cakuleta insoni. Mwamona? Pantu, Ine nshakwete abakumfwana nabo, pamulandu wabwiminishi ubo Nsenda. Mwamona?

³⁹ Ukuba, mu Africa, Naile kulya pesamba ya bulya ubutungulushi bwa ba—ba—ba A.F. baku M. naba Africaans Faith Minshioni Kibili ilyo Nacitile ico, mucine, Ine tekuti nsuminishanye pamo nabo. Bena, balabatisha abantu mulubatisho lwa balesa patatu, imiku itatu, icinso kuntanshi. Kibili umo muli bena abatisha imiku itatu, icimfutanuma. Umo pali lesa umo, Taata; umbi nao pali lesa umbi, u Mwana; umbi nao uwakwa lesa umbi, Mupashi wa Mushilo; nokulabatisha imiku itatu iyapusana, kuli balesa batatu abapusana, kibili nefintu fyonse ngefyo. Kibili, nalimo, ukulongana kwa ku Durban, takwali munshila iyalungama, kibili abantu bamwene ukusalangana pakati kaba Pentecosti nafimbipo, abantu tabaishibe ifyakucita. Bena tabakwete icifulo cakuyako.

⁴⁰ Nalimo, nga cakutila twafuminefye mukukwata ukupuputulwa pano, mwe babwananyina? Lekeni ncibike ngefi. Nga cakutila twapitile mukupuputulwa ukukalamba, kibili imwe mwe babwananyina elyo mwapilibwilwefye, kibili takwaliko ichalichi ca uyu musango mucalo, nangu kumo; kibili Nali kabilia wa mbila nsuma, kibili nomba Ndeya, limbi tamwakamonepo nakabili? Cinshi ico mwingacita? Imwe kuti mwaumfwa kwati teti mwishibe ifyakucita. Imwe teti mubwelele kuli yalya matipa nakabili. Teti mubwekele kulya, pamo na—na bakashi benu ukufwala utuputula, kibili aba... kibili nakumalila yafitupa nokushana, nefintu ngefyo, kibili nokwisaikushiwapo nakabili.

Imwe mwalisa ku Mweo. Mwalima nokuba pamulu wa ico cintu. Imwe mwalisa mucifulo, mucifulo cakulanda ukutila, "Ici e sambililo lyesu," muletila, "Ici Cebo cakwa Lesa." Kibili mwalisa mukwikalila kuli Ici, ifyo Ici calanda. Kibili tefyo...

Kibili mwaya kulya nokumfwa kuli bena, nokumfwa bena bayo kulya nokuteya bunco, nokushana, kibili *ici*, *ico*, kibili *cilya*, kibili nembla inono umwabula icintu nangu cimo muli yena, palwa ba meya bamo nangu icintu cimo, nangu bali nokusalwa nakabili, nangu cimo icapala ngefikansa fya calo, nokuputulwa mumaminiti ikumi nangu ikumi limo na yasano; panuma imwe ukwikala pano, ubushiku ukukonka pabushiku

bubiye, nokukwata amalila ya Cebo nefintu. Imwe tekuti mwishibe ifyakucita.

Kuti caba icisendo nganshi kuli imwe, mpaka bamo muli imwe mwebamembala kuti mwaumfwa ngo kutampa ichalichi, nokutampa uku Cishimikila mwebne, pantu umutima wenu kuti wapya ku Cebo cakwa Lesa, kabili kuti waumfwa ububi pa bantu abo abauwfile umusango umo wine mwacitile. Nomba, bushe ico tacilungeme?

⁴¹ Nangula namwishiba ukutila Yesu aleisa, natontonkenye ukutila Ena akesa mailo, lelo imwe kuti mwafwaya ukucita icintu cimo ileelo ku bantu balya, abekashi banensu abamu Bufumu bwakwa Lesa, ukwisa capamo. Imwe mulefwaya isenge pamo nabena. Ico nacilungama. Eico nga cakutila cili muli iyi nshila . . .

⁴² Nomba, Nincetekela no mutima wandi onse ukutila Shikulu alingafwilisha kabili alimbomfyा ukutungulula ukupuputulwa ukukalamba, kumo pakukalamba nganshi ukwatala umapo isonde ukutula kunshiku shakale, mwisonde lyonse. Twalishiba ico. Ico nacilungama. Cena conse califuminepo pali ilya nshita, kabili—kabili Ena alinkumenye kwisamba kulya pa mumana nokunjeba ukutila i Mbila iyo Nakwete yali nokutangilila Ukwisa kwa cibili ukwa kwa Kristu. Kabili Ndemona takuli nangu umo muno bushiku uwaliko kulya bulya bushiku. Cali nalimo imyaka amakumi yatatu na ibili iyapitapo, iyo lulyo Lubuuto lwamoneke; kabili naiminine palya, nintontafye amenso pali Lwena. Imyanda ya bantu baliminine, balelosha kuli Lwena. Lwaishile ikila, kabili lilye Shiwi lyalilandile.

⁴³ Imyaka yakonkeleko, ceni ukutila kamela yalikopele icikope cimo cine, cilemoneka icintu cimo cine nga fintu Namwebele, palya pamumana. Nomba, Ine limbi kuti nalufyanya mufintu ifingi, mwe babwananyina, lelo Nshilefwaya ukuba bumbi munda. Ndefwaya ukuba uwabufuma cumi kabili uwalandia mukutambalala kuli imwe.

⁴⁴ Kabili nomba, icintu cimbi, nga Nalifuminepo, cinshi? Ifwe nga—ifwe nga tatwatalile kula ichalichi muno ngeli. Cena cintu cakosa ukulanda ico twakwata, mwamona, nga Natwalilife. Lelo Lesa wamu Muulu acibikile pamutima wandi ukukula ici chalichi pano. Kabili nomba elyo Anjatile mukusabankanya imbila nsuma . . . Twalikwata kakumba panuma yakwa kakumba, kabili nafimbipo, lelo nomba natukwata u—umusuma munyina pano uwamu Cicetekelo, alicetekela i Mbila. Twalikwata ba munyina bambi kuno abacetekela i Mbila. Ukukwata . . .

⁴⁵ Bushe Ndeumfwika ukucila mucipimo, Munyina Beeler? [Munyina Beeler atila, “Panono.”—Kale.] Cisuma, lekeni tumone. [“Iyo. Twalilileni.”] Ee. Cali . . .

Ifwe natukwata—ifwe twalikwata ifyakubomfyा.

⁴⁶ Kibili nomba mwatila, “Ukuba, Munyina Branham, nga bena teti bomfwe ifi fishibilo nefipapwa ifykawa Lesa umukalamba uwa ku Muulu, musango nshi tuli nokucitilamo cena?” Ukuba, nomba, inga nga cakutila Paulo Washila akwete itontonkanyo limo line? Mwamona? Cinshi? Lelo ena takwete. Balya ba bishopo baikelye abacumfwila ku Mbila! Kibili bena... Kibili Paulo, ilingi line, panuma yakupitamo... Imwe mwaliabelenga Baibele, ifyo ena alebwekelamo mukutandalila ama chalichi aya, alelanda nabakapyunga, nababishopo, kibili nafigbipo, kibili alesenda ifykawafwilisha ukufuma kubantu, kibili—kibili akwete, oh, inshitafye iikalamba iye senge, ngo kupuputulwa nangu inshita ikalamba iyakusangalala. Kibili Mupashi wa Mushilo kuti wawila pali bena, kibili imfila kuti shaisa.

⁴⁷ Moneni ilyo aile kulya kuli Filipi, nabana bakwe abanakashi nabo baliseseme. Nokutila, “Kuli imyando necifungo ifileolela uyu—uyu munyina ilyo akaya kulya.” Ilyo afuminefyen panse mu lubansa, kwaishile Agabusi, kasesema, aleenda, alolesha kwishilya lya musebo. Kibili tatalile monapo Paulo, kacefyu umukalamba, webumba lyonse ilya machalichi yonse mu Asia. Kibili aile kulya nokutinta intambo yapambali, intu akakileko umwingila wakwe, akakile amaboko yakwe nokutila, “EFYA SOSA SHIKULU, amakoli necifungo cileolela uyo uwafwele ici pano.” Mwamona? Alesesema.

⁴⁸ Paulo atile, “Nincishiba. Ni ncishiba. Lelo wileka umutima wandi ube nobulanda nomba. Leka mpwishe ubulendo bwandi.” Alinakile. Alipwile. Kibili aleenda ukutwalilila nokusha bu bishopo wakwe na Timoti.

⁴⁹ Nomba tulingile ukutontonkanya pa bantu abacaice. Twalikwata abana. Fwe bengi fwe bantu muno, abaume abaupa, twalikwata abana. Ukuba, nga palwa bena abo abaleisa? Mwamona?

⁵⁰ Nga fintu Naleipantawila, kulya, pali abo abaleposa amasumbu pamumana, nokwikata bapale; nefyakunwa, bacakolwa nefintu. Nalibamona nababatulika umwina apapela umutenge uyu, abakulu, abasuma bapale nabababika palya. Icena kuti caba ukushinguluka umumana. Nalile kulya, nga kasunga wanama, ukuya mukubalesha. Napokelele inkalata iyatile, “Balekeni babe. Ni cinshi ico muli nokucita? Bena baku Kentucky.” Nomba, kasunga wanama uwamu Kentucky teti ese pano, pantu ninshi afuma muncende yakwe. Kasunga wanama waku Indiana takwata nangu cimo icakulandapo, pantu amenshi ya ku Kentucky. Mwacimona ico. Takuli nangu cimo icingacitwa.

⁵¹ Natile, “Ninkwata umulumento uuleisa, alefwaya ukwiscalobako. Mulandu nshi, bena kuti babika icikope cakwe mwipepala nga cakuti ena alikete isabi, imyaka amakumi yabili

ukufuma pali nomba; balileka ico catwalilila ngefyo, yalya amasumbu, inkose, nafyonse fimb." Kibili cena mubutuntulu cileba nga filya ino ine nshita. Mwamona? Cinshi cilubene? Mulingile ukutontonkanya pali ifi ifyo fileisa.

⁵² Eico tulingile ukutontonkanya pali bambi abaleisa kunuma yesu, aba bantu abacaice, kibili nefyakukonkapo, incende yabana besu. Abana besu abanakashi, ifwe tatulefwaya bema ukuba mwisonde, mufintu ifyapala ngefyo. Tulefwaya balya bakashana ukukula nga fintu banyinabo baba. Kibili tufwile twacipekanishisha ico. Kibili nga takwakabe mailo, ifwe tatwaishibe ico. Nga cakuti takuli mailo, taticitile nangu cimo lelo tulebomba umulimo wakwa Shikulu kibili ukusangwa pacifulo cesu ica mulimo ilyo Ena aisa. Mwamona?

⁵³ Eico, Ine kuti namipandako amano ukuti cingaba ifyo. Nalicitile ico, kuli Munyina Neville. Lekeni tutwalilile ukucita ici nga fintu twacita. Lekeni tucilekefye munshila cabelamo.

Ndetotela pali aba bakapyunga abaice. Mwamona, mucine, pa Bushiku bwa Bupingushi, kuli iyi mipokapoka yonse ukupita umu, takwakabe umwakufisama, pantu twalikwata amachalichi ayanono ayaimikwa muncende monse, amachalichi ayafuma muli cino chalichi, amachalichi ayomfwa ifyo tuleshimikila pali lamya, abalelolela.

⁵⁴ Mailo ubushiku Nali muchalichi cakwa munyina, kibili nalibepwishe bonse mulya nga cakuti baliba abacingililwa kunuma ya Cebo. Kibili ukuboko konse kwaimishiwe pamulu. Nomba, ico canengele ukumfwa bwino. Mwamona?

⁵⁵ Nomba, ifyo Ninga tontonkanya, kuti caba ici, mwe babwananyina, ico nga muchalichi muno nomba. Ine...i.... Bukapyunga bwandi bwalikwata, mukutontonkanya kwandi ukwacilapo, ifintu fine ifyo fingacitwa. Kibili limbi teti cibe fine, lelo iyo emimwene yandi iyo Ningatontonkanyapo; nga ulya Umo uwalandile kuli ine kulya pa mumana, nga cakutila ici e conse icasheleko kuchalichi ca Benafyalo.

Icili, ifwe tulemona, mu Kusokolola, cabafye imo, yabili, yataku amachapitala ku Chalichi. Chalichi caya pamulu, mu cipandwa ca 4. Cena tacibwela nakabili mpaka icipandwa ca 19, ico ni panuma ya Nshita ya Kupakaswa ilyo Lesa aita aba Yuda. Ico nacilungama.

⁵⁶ Kibili nga fintu cali kuli Enoki, ena aile kumulu ilyo akalitoni kamo akanfula takalati kalokele pesonde. Alile, nomba ukupakaswa kwatampile. Mwamona? Noah ali mucibwato ilyo ukupakaswa ukuli konse takulatendeka. Loti ali kunse ya Sodomu ilyo ukupakawsa ukuli konse takulatendeka. Mwamona? Kibili i Chalichi cikaya ilyo takulaba Inshita ya Kupakaswa ukuli konse.

⁵⁷ Nomba, munshita ya Kupakaswa, ico cikaba ukutila: nacisungu uwalala bakamulunga ku cing'wena, nokufwisa

amenshi ukufuma mukanwa kakwe, ico cilepilibula, “icintubwingi nabantu,” abashilikale abakafwailisha nokusenda uyu mwanakashi, nabasheleko ababufyashi bwakwe, nokumwipaya. Nomba, ico cikaba mu Nshita ya Kupakaswa.

Lelo i Chalichi cikaya ku Ng’anda. Nomba, nga—nga cakuti cacitike, nga cacitike mailo, tekuti citucingilile ukukana twalililapofye ileelo. Lekeni ileelo lipendwe.

⁵⁸ Nomba, ifyo Ndetontonkanya, kulya, nga cakutila ulya Malaika uwalandile filya Ifyebo kuli ine, atile, “Nga fintu Yohane Kabatisha atuminwe ukutangilila Ukwisa kwa ntanshi ukwakwa Kristu,” mwamona, “i Mbila yobe...” Nali nokusenda iyi Mbila, kibili “Yena yali nokutangilila Ukwisa kwa cibili ukwa kwa Kristu.” Ukuba, Ifi nga cali e Ici, ninshi tuli mupepi, mupepifye, mwe babwananyina, pantu ora kibili Ulubuuto lwa Mbila lulifye mupepi nokupwa.

⁵⁹ Bushe mwalimona ilyo Pentecosti yawile, kibili balya ba munyina balisushiwe pa Pentecosti, na Mupashi wa Mushilo? Cena tacali inshita ili yonse ukufika pansiha ilyo i Mbila yatendeke ukushibantukila, kibili bena batendeke ukwimika amachalichi ukwikatilila icubo, icakwa Kristu, ukusubila Ena ukwisa. Ukuba, ico e cintu cimo cine cilecitiaka ileelo, nga cakutila Amalemba yacine, “Nkabwekeshapo, efya sosa Shikulu, fyonsse ifyo makanta uupwishishisha na makanta uupataula alya.” Nomba, nomba ico nga eco, nga iyi ni Mbila, kibili, Lesa ambelele uluse, Nshi—Nshishibe. Nga ico eco, lyena ninshi inshita naipalama, mucine, pantu i Mbila naipwa.

⁶⁰ Kibili munshita imbi iya bushiku, Nalelota ukutila Naile mukukwata ukulingulula uko ibumba ilikalamba ilya fibusa fyandi lyakolongene, amakana aya bena mukulongana. Kwaliko umuntu uwaishile, ali nsendele. Kibili Billy ilingi line alesa, alansenda, pantu iwe taulanda naine. Kibili uyu muntu alandilefye ulubuto lwelangi lya makumbi makumbi. Kibili ilyo Nshilafika kulya, ukusubwa konse kwalifuminepo pali ine, pali ico. Kibili nomba Natile, “Ukuba, Nalayafye kulya no—no kushimikila i Mbila, iya kweba balya bantu, ‘Mwilasangwa ne filonganino,’ nafimbipo, kibili, ‘Fumenimo, muli *uyu* musango.’” Kibili ilyo Naile kucintamba, kulya kwalinshile.

⁶¹ Nshishibe ifyo capilibwile, lelo Ine, naletwalililapofye. Nshishibefye. Cena kuti caba impela ya kwenda kwandi. Cena kuti caba Ukwisa kwa kwa Shikulu. Cena kuti caba ukupilibulwa kwa bushiku. Limbi kuti caba ukwisa pawakwatisha amaka, nga cakuti kukaba umbi ukucila pawaisa kale. Cena kuti caba ico. Fyonsse ifyo fintu, ifwe tufwile ukumwenako, cena kuti caba. Kibili ilyo Njiminine pano muno bushiku, kucinso cakwa Lesa naimwe mwe babwananyina: Nshishibe. Ine tekuti mwebe. Nga Nalicitile ico, kuti Namweba, nga teifyo tekuti Nande, ukuleta icintu icili conse ngefi. Nga

Nshaishibe inshila... Nga Nalishiba inshila intu ici icintu caleendelamo, Ine—Ine kuti nacilanda cena, lelo Nshaishiba. Teti nande. Ndeya ino ine nshita mukulongana ukwabula nangu kamo akacepesha kabutungulushi. Ndeya pa mulandu wakutila Nshilefwaya ukwikala kulya. Na—Na—Nalitemwa ukuya mumpanga nga fintu umuntu onse acita. Nga Nindufyanya muli ici, Lesa ambelele uluse.

⁶² Kuli ifintu fitatu ifingacitika kuli ine. Kuti caba impela ya lwendo lwandi, nokuleka uyu umbi aisapo; Nalimwiswila inshila ukuti apyane, pantu, ibukisheni, uukesa mukushimikila, akaba pa Cebo, “Ukubwekesha Icicetekelo cabana kuli bashibo.” Cena kuti caba impela yabulendo bwandi. Cena kuti caba ukutila Ena alecinja bukapyunga bwandi ukubwelela mukubila kwa mbila nsuma, ku fyalo fyakutali. Nangu, kuti caba ukutila Ena takanjite nakabili ukuba kabila wa mbila nsuma, kabilii Alentwala mumatololo kuncende kumo, mukunsuba, ukuntuma nga umo uwalaiwa ukwisa, efyo Ndetontonkanya. Kuti caba cimo palwa ifi fintu.

⁶³ Ine tekuti ntwalilile munshila Ndeendelamo. Pantu Ndi... Abantu balincetekela. Ni—Niningile ukulanda ici. Ndacilanda kucinso cabantu. Abantu, imiku iingi, bamona nga kasesema. Ine nshiiimona ukuba ico. Iyo, mukwai. Nshiiimona ukuba ico. Nali... Nshilandia ico ukuba uwaicefya. Nanda ico ukuba uwacishinka. Ine nshiiimona nemwine ukuba kasesema wakwa Shikulu. Nsha—Nshakwata ubo bucindami.

⁶⁴ Ndecetekela ukutila Shikulu alimomfyta, mufintu ifinono ifyaibela, ukwafwilisha nalimo ukubika umufula wakwa kasesema uyo uuli nokwisa. Lelo kasesema tabomba mumusango untu Ine mombelamo. Nomba, mwalihsiba ico. Kasesema te kasabankanya wambila nsuma, kabilii kasankanya wambila nsuma te kasesema. Kakumba te kasabankanya wambila nsuma, kabilii kasabankanya wambila nsuma te kakumba. “Lelo Lesa alibika mu Chalichi, intansi abatumwa, na bakasesema, na bakasambilisha, nabakakumba,” kabilii nafimbipo. Lesa alibabikile mu Chalichi, kabilii Lesa alibapele iofeshi.

⁶⁵ Lelo, lulya lucelo Nabikile lilye libwe lyapa cifutu! Pantu, nomba, nga muli aba bumupashi, muclecumfwa. Pa mulandu wakulila kwa bantu! Nga kuti mwacisopolola, nangu mwabula ibuuuku nokulibelenga, lyatile, “Bomba umulimo wakwa kasabankanya wambila nsuma.” Tanjitile ukuba kasabankanya wambila nsuma, lelo atile, “Bomba umulimo wakwa kasabankanya wambila nsuma, pantu inshita ikesa ilyo tabakomfwe Isambilisho ilituntulu, lelo bakaikolonganishisha, bakasambilisha, pakuba namatwi ayababa, nokwaluka ukufuma ku Cine ukuya kumilumbe.” Mwamona? Alyambwile lilya Ilembu nokunjeba ukwaku Lisanga. Alilandile imiku itatu. Kabilii Nabulile Baibele nokupilibwila ibula apo Anjebele, kabilii epo cali. Kabilii nomba mwalihsiba pambeketi shibili,

isha ba Pentecostal Oneness na ba Pentecostal Assemblies. Nshafipusenye. Nabyele ifimuti fyabo apo bena bali pantu Ndetontonkanya ukutila bonse balilufyanya. Lelo, ukufuma muli cena, Nali pa lupanda, kukusombola.

⁶⁶ Lesa alacindika umuntu onse uwabufumacumi. Petro ewalandile ico. Alilwike ukutila Lesa tacindika umuntu nangu umo, aleta ifyalo fyonse, ilyo cali kuli ilya ng'anda yakwa Koneli, ilyo bapokelele Mupashi wa Mushilo ngefyo bacitile pakutendeka. Mwamona? Lesa tacindika umuntu onse. Tulemona umuntu uwashika kibili uwabufumacumi, ena kuti aba uwabufumacumi mucilubo. Lelo nga ena ali uwabufumacumi, Lesa ali nokumutungulula ku Lubuuto, ku cifulo cimo. Akesa kuli Lwena, pantu Lesa ali uwalinga ukucita ico.

⁶⁷ Kibili tutontonkanya pa Kwisa kwakwa Shikulu, ukuba i—icintu icikalamba; kibili i Mbila, nayo Yena pamo. Ibkisheni, kwaliba ibumba ilya lingilwa kabela ukuba kuno ilyo Shikulu akabwela, kibili limbi tekuti licile ikumi limo na babili. Mwamona? Ifwe tatwaishiba. Cena limbi kuti caba ba millioni umwanda; limbi kuti caba amakana ikumi. Lelo nga... Abalingilwa kabela bali nokumfwa i Mbila noku Icetekela, nga Yena ni Mbila iyatumwa na Lesa, ico ifwe twacetekela Yena ukuba.

⁶⁸ Nomba, ifwe tuli pano, nomba, kuno kwine kumpela yanshita. Ilyo, nga Lesa alinjatile...Nomba, umfweni, ici tacilebwekeshiwapo. Nga Ena alinjatile ukuba kasesema Wakwe, ninshi Ine mucine nshaikatilila iofeshi ilya umo. Bakasesema tabasabankanya imfila nsuma. Kasesema alaifisa umwine mu matololo, eka, na Lesa, mpaka ena afika pafyofye, bwino bwino pafyo Lesa alefwaya ena ukucita. Kibili ena endafye nokupela i Mbila yakwe, kibili nokubwelela mumatololo umo ena aya nakabili. Te kasabankanya wambila nsuma, ukukwata imisonkano, nokwampa, nafyonse ifi fintu ifyo bakasabankanya bambila nsuma bacitako. Ena tasambilisha nga bakasabankanya bambila nsuma. Ena akwata EFYA SOSA SHIKULU, kibili eico, kibili epela fye. Alaipela, aiposa, kibili aleka utupimfyia twaponena pantu twingaponena, kibili aya nakabili. Tapali nangu umo uwaishiba apo abelele. Ena aliipatulula, kuncende imo.

⁶⁹ Nomba, teti Ncite, nangu nga Ena alinjatile ukuba ico, Ine tekuti mbe kasabankanya wambila nsuma. Kibili nga Anjatile ukuba kasabankanya wambila nsuma, Ine tekuti mbe kasesema. Nomba, muleumfwa ico Ndepilibula? Nshishibe ifyakucita. Nalicit, nomucinshi uukalamba, ilyo Anjebele, intanshi, palwa ine ukwikata amaboko yabantu nokubapepelako, nokwishiba ifyankama ifyamitima yabo, nefi ifyapusana pusana ifintu. Kibili, mwe babwananyina, ico calipwililika. Namwishiba

ukutila ico cifwile ukuba Icine. Cila umo muli imwe alishiba ico. Mwamona?

Kabili ifyo Ena anjebele ukutila Cena cali nokupoleka mwisonde lyonse, kabili Cena cacitile ifyo finefye! Cila calo pesamba lyu myulu cali Cumfwa, kuncende shonse, amapepala ye lyashi, ifilimba fya matepu, incende shonse. Nshishibe ifyo Cacita ifyo. Lelo, mwisonde lyonse, inkalata shalepokelelwa, kabili nabantu ukufuma kwisamba ku Thailand, naba Hottentoti kunuma kulya. Ifyo balya ba minshoni bali mumabumba kunuma kulya nayalya amatepu, nokupela bulyo bwilulo ubwa Cebo. Kabili nomba tulomfwa ukufuma mwisonde lyonse, mwamona, ukushinguluka isonde. Nomba, bena, i Chalichi, calingilwa libela isonde lyonse, muncende shonse. “Babili mibusanshi; babili mwibala,” mwamona, umo asendwa umo ashala.

⁷⁰ Nomba, nga fintu Nabomba umulimo uwakwa kasabankanya wambila nsuma. Kabili uku e kupapata kwandi. Nga cakuti ico nacisekesha Lesa, kabili Nalibombafye bwino umulimo, ndesubila ukutila Nali Musekesha, ndelomba ubelelwo pafilubo fyandi fyonse, lyena Ena kuti anjita ukufuma mwibala lyabukasabankanya wambila nsuma, ukuba kasesema Wakwe. Nomba nga cakuti efyo cili, Nkasha ukusabankanya imbila nsuma. Lelo nga cakuti Anjita ukuba kasesema, Ine tekuti mbe kasabankanya wambila nsuma. Nga Ndi nokuba kasabankanya wambila nsuma, Ine tekuti mbe kasesema.

Ndesakanya amaofeshi yabili. Apo epo lyonse Nandapo. Ukwiminina pa cintamba, tacatalabapo icisuma, icalunduluka. Lesa alicibomfyu cena, lelo Nshatala tontonkanyapo ukutila cena cali bufwayo Bwakwe ubwapwililika. Cena caba ubufwayo Bwakwe ubushapwililika. Ukwiminina kuntanshi, icimonwa nangu fibili kuti fyakupwisha amaka, mupepi. Mwamona? Kabili nomba nga mwaeba *uyu* muntu ifya kuilungamika umwine, kabili nefyakucita; kabili nomba umuntu umbi naiminina kulya, alesubila icintu cimo cine. Kabili tekuti umwebe, kanofye Icintu cimo cakweba ukumweba. Kabili nomba abantu bambi bomfwa kwati niwe shikamfutu, nangu uwabwelela inuma, nangu—nangu iciwa nangu icintu cimo, pantu taulebeba ifyo balefwaya ukwishiba. Mwamona, lilya te ofeshi, umusango kasesema abombelamo.

⁷¹ Kasesema ekala kunuma *kuno* mpaka aingilafye mukati kapitala, nangu konse uko aleya, na EFYA SOSA SHIKULU, nokucilanda cena, nokufumapo nakabili. Ena te kasabankanya wa Mbila nsuma, nakalya. Ena takwata ukulongana nokulanshanya ifintu. Alikwata i Cebo cakwa Shikulu kuli uyo onse untu ena atumwako.

⁷² Nga cakutila ena atumwa ku White House, ena anina ukuyafye pantanshi ya White House, atila, “EFYA SOSA

SHIKULU.” Nga nikuli cilolo uwabuteko, onse untu engaba, cena ni EFYA SOSA SHIKULU. Ena tasangwa nebumba lyamachalichi, ukwesha ukubasenda ukwingilamo nokusenda i Cebo, nokushimikila ifi fintu nga bakasabankanya wambila nsuma. Ena te kasabankanya wa Mbila nsuma.

⁷³ Eico, mwamona, mwe babwananyina, ulya e mulandu wine Nshiiila nemwine ukuba kasesema. Nshaba namwi ofeshi lya umo. Mwamona? Nomba namumfwa ifyo Ndepilibula?

Nomba, kuti kwaba ifngi ukuya muli uyo musango pansiita ntali, lelo Ndesubila nsha sende inshita yenu iitali, pakuti Nkwatekofye icinono ica ici Cebo ico Ndefwaya ukubelenga muno bushiku.

⁷⁴ Nomba, ici eco Ndecita. Nshatala umfwapo ukutila Nfwile ukwikala mu Indiana. Ndi u—Ndi ka—kenda. Ine nshicita . . . Ndi nokuya kuncede imo, Ndetontonkanya, “Ndi nokuya *uku*, Ndi nokuya *uku*. Ici eco.” Ine tekuti ncicite. Ilyo Naya kucifulo cimbi, Ndatontonkanya ukutila, “Ndi nokuya *uku*.” Ilyo Nacicita . . .

Umukashi wandi antumina . . . Bushe lwimbo nshi lulya bemba? *Icimwela Icabula Ukuleka*. Mwalilumfwapo, Ndeelenganya. Mwebengi mulabomfwa balelwimba. Ukuba, ifyo efyo ena anjita, “*Icimwela Icabula Ukuleka*.”

Pansiita Mfika kuno, Ndetontonkanya ukutila, “Mune, Mfwilefyenkye ukuya ku ng’anda. Mfwile ukumona umukashi nabana. Mfwilefyenkye ukuya kuchalichi umuku naumbi mukushimikila.” Nafika kuno, nokwisa shimikila umuku umo. Natomona umukashi wandi nokukukutila abana. Ukuya mulubansa mukuputaula icani, kibili indeke yapita pamulu. Naleka, napukuta icibe pamenso, kibili Ndefwaya ukuya nankwe. Kuncende kumo uko Mfwile ukuya. Ukuba, Ndetontonkanya ukutila Ningile ukuya *kulya*. Kibili Na—Naya kulya, kibili Nashimikilako kulya pakashita. Nalolesha, uko kuleya naumbi kulya. Mfwile ukuya nankwe. Mwamona, takwaba incende yakwikalapo ine. Teti ncicitefyenkye. Naliba uwabula ukwikala pamo, ukusela, ukufuma pali iyi ncende ukuya pambi, icintu cimo. Teti ncafwe ico. Cena cintu cimo muli ine. Kibili Nalishiba ukutila Mfwile ukucicita.

⁷⁵ Nomba, ichalichi, cili mumibele yanomba, kuti Naumfwa ububi ukufuma muno. Kibili, tontonkanyeni, pabaume bonse abekele pano, abo Ndecetekela ukutila Nkekala u Muyayaya nabo, kulya ku calo ca Bukata. Twalikwata abantu abasuma, ifyakubomfyenkye ifisuma, abakosa, abantu abatontonkanya bwino. Munshita yafuminepo kwaliko ukupuputulwa ukwaliko muchalichi muno pakati kabantu. U Mupashi waishile pakati kabu, watendeke ukupela ifyabupe. Nalecibebeta, ukumona nga cakutila kuti catwala mucimfulunganya. Inshita yonse cena catampa ukusela iyo nshila, u Mupashi ulaciceceta nokucibwesha pano. Natontonkenye ukutila, “Shikulu

Alumbanishiwe.” Mwamona? Kwikatililafye icifulo cenu palya. Ico cilifye bwino. Mwamona?

⁷⁶ Nomba, ifyo amatontonkanyo yandi yali, nifi, yali ukutila nga kuti cacitwa, ilyo Natendeka ukuya ku cifulo cimo... Nshishibe uko Ndeya. Lelo tekuti Njikale pamo. Nshakekale pano. Ine tekuti ncicitefye. Ningile ukuya ku cifulo cimo. Kibili Ine nalimo tekuti njikale kulya kano inshiku ishinono, ukuya kucifulo cimbi. Mfwile ukuya kuncende imbi. Nshishibe uko Ndeya. Nangu ni Abrahamu taishibe uko aleya. Atolwekefye umumana nokutendeka ukuya. Epela fye.

⁷⁷ Ndeumfwa ukutila ifyo tulingile ukucita pano, muli ino nshita, Ndecetekela ukutila tulekabila ichalichi. Ndetontonkanya—Ndetontonkanya ing’anda yakwa Lesa... Mwatila, “Ukuba, cinshi, ukubika indalamu shonse muli cena nga cakutu Shikulu ali nokwisa?” Ukuba, busuma nshi cili nokucita ukusunga indalamu nga Shikulu aisa? Mwamona? Kibili nga abantu babika indalamu ukuba isha chalichi, wena mulimo wesu, nokusala ukwa mwanda umo kuno, uko Nakwete ilya nshita yabushiku, ukukula ichalichi. Eico, cikuleni. Kutu natila, “Cikuleni. Ee, mukwai.”

⁷⁸ Nshalandapo ici kunuma uku, lelo Ndefwya ncicite pacinso caimwe mwebaume. Nshacilafwaya banamayo pano, pantu umo ashintilila kuli *iyi* nshila, kibili *ilya* nshila. Nomba Ndeesha, ukumweba umulandu Ndefwaya ukucicita. Ndetontonkanya ukutila, nga cakutila Shikulu akesa umulungu uuleisa, lekeni tutampe ichalichi uno mulungu. Icine cine. Lekeni tu Mulangishe. Lekeni twiminine pancende yamulimo wesu. Ee, mukwai. Kibili nomba nga ifwe... ilyo ichalichi cakulwa.

⁷⁹ Mulandu nnshi? Mwatila nga Ena ali... Nga cakutila Ena ali nemysaka ikumi ukufuma pali nomba? Nga cakutila Ena ali neimyaka amakumi yabili? Nangu inga nga cakutila Ali nemysaka umwanda umo? Conse fintu cingaba, ilyo Akesa, ico tacilesakamika. Ifwe natwisha ukutila Ena ali nokwisa kuli ifwe ilyo ilya nshita tailafika, pantu ifwe teti twikalile ico, imyaka umwanda umo ukucilapo. Ena ali nokwisa kuli ifwe, lelo tulingile ukushako ifyakupatulukana kunuma yesu. Kibili Nalitonkanya pali ici. Mulandu nshi nomba tatwingalekela ibumba lya bakalamba pano, ukulanda kuli bena nomba, ukukula ichalichi cilya? Ukulikula pano. Liwamyeni, kibili incende iisuma uko abantu bengesa.

⁸⁰ Ine kuti namipandako amano ukutila, Munyina Neville akabe kakumba wachalichi, ilyo lyonse ichalichi casala ukuti ena abe kakumba. Kulya kusala kwachalichi. Cikulufye ena aikatilila ilya ncende yamulimo kibili aikala ne Cicetekelo, nga alefwaya ukwisa, aleumfwa ubutungulushi bwakwa Shikulu, lyena ukutungulula kwa kwa Shikulu kuli ena ukwikala, nga cakutu ichalichi casala cimo cine.

⁸¹ Nomba kuti Natila, cila umo uwa aba baume kunse uku, aba baume bambi, nga Munyina Crase, kibili Munyina Junior, bonsefye, ilyo lyonse baleumfwa umulimo wabo pali iya ncende, kibili bena bali abaampana kuno capamo. Imwe tekuti muye kulya nokukumanya ba Methodisti. Imwe tamwakwata isenge nabo. Ba Baptisti, mulaya, mulelanda pakulandila mundimi, kibili ulubatisho mwi Shina lyakwa Yesu, bala mutamfisha kunse, mukwangufyanya *ngefyo*. [Munyina Branham alisha umunwe wakwe umuku umo—Kale.] Ico nacilungama. Nga mwaikala pano, imwe kuti mwaba nga—nga inkunda pakati kebumba lyaba mwankole. Imwe tekuti mukwate isenge, nakalya. Kuti mwafwa. Ine nshilesenteka ba Methodisti na ba Baptisti, nomba. Ibukisheni ico. Nshilelanda ico. Ndeletafye icilangisho. Kulya, abengi, balya ba Methodisti naba Baptisti bantu abasuma, abantu babulesa. Lelo Ndelanda pesenge.

Ulya palya Munyina ishina lyakwe ni nani, kunuma kulya muno bushiku, ka—kasabankanya wambila nsuma naikala kunuma kulya, Munyina J.T. Parnell. Munyina Beeler. Cetekela, yuu munyina uwikele apa. Bamo muli... Mwebengi muli imwe muno muli bantu bakwa Lesa, ubwite mumweo wenu. Imwe kuti mulebomba icintu cimo. Mwilaikalafye. Lekeni tucite icintu cimo. Iwe nga kuti walenga umweo umofye ukupusushiwa, leka ulya umo upusushiwe. Cila umo muli ifwe.

⁸² Nomba, Ndetontonkanya, cino chalichi, nga cakuti mwebaume kuti mwacita ico, ilyo mwakula lino ihema, mukalipange ukuba nga umusambo wenu, kibili nga Munyina Neville pano uwaba ngo mukulu pabakalamba pakati kenu. Mwamona? Kibili inshita shimo mulakwata ilipusho ilyo mushinga lanshanya nechalichi cenu uko, nomba liletensi muno kuli Munyina Neville, kibili imwe bonse mwalandshanya capamo. Nga tekuti mufike mukumfiana ukuli konse, Ndinokwisapitako, nomba line, ninshi bonse tukesapamo nokulanshanya palwaico.

⁸³ Kibili—kibili nomba, mulya, mulesambilishanya mumabumba yenu mwebene, bakapyunga bambi, abantu abo mulemona ukuti balikwata ubwite mumweo wabo, kubupyungishi. Kansheni abaume abanono. Mulebaleta muno kubakalamba. Imwe bonse muleikala capamo mukulongana kwa bakapyunga, kibili kulya mulesambilisha ifintu fyashika ifyakwa Lesa. Mwilaya munshila iyabipa. Sungeni umo uo mwingacetekela, ukuba uwaba nga i—intungulushi yenu. Kibili nomba, inshita shimo, nga tamulecimona mumusango alecimwenamo, nalyo line, ico cilifye bwino. Muli mu Citetekelo, nangu cibefyo. Twalililenifye ukuya kuntanshi. Nalimo ilyo twaisa capamo, nomba, ifwe bonse capamo, tulinokupepa; ukulingulula kwakwa Lesa kuli nokwikila, kibili Alinokutupelafye bwino bwinofye nga fintu cili, mwamona, kibili lekeni twishibefye ifya kucicita.

⁸⁴ Kibili umo, amachalichi kuti yaleya mukumfwa, nokukansha ibumba lyabaume. Kibili nga Ndi mumulimo wa kubila imfila nsuma kuncende imo, kuli ncende uko Ningababika, isonde lyonse.

⁸⁵ Nga cakutila Nali mu India, ukubwekela ku India? Kulya kuti Nalanda kuli aba bantu, nalimo, kuti kwaba amakana ayabena. Baikala palya pa mulungu umo nangu ibili, kibili bena bamona ubupyungishi. Bena balicitemwa. Balicetekela ukutila cena Cishinka. Bena balafuma mubusenshi. Kulya Ninkwata... kabilis nalimo mumilungu ibili nangu itatu.

Ilyo Nali kulya, inshita sha bushiku shibili, kibili nalimo amakana umwanda ebapilibwilwe kuli Kristu; tabakwete nangu kumo ukwakuya. Ubushiku bwakonkelepo, naninine indeke nokubwekela ku Rome, nokuya ku United States. Nabashilefyen ge mpaanga pakati ka mimbulu.

Inga nga cakuti Nalikwete ibumba lya baume, abalumendo abaice abakanshiwe mu Mbila, mwamona, abengatila, "Nomba, loleleni pali miniti. Ilyo Nshilafuma kuno, twalabika amachalichi aya mumutande. Ndi nokukwata umuntu. Nimbatumina kalata wamukampampa. Balikwata indalamu. Bena bali pabulendo bwakwisa kuno, ino ine nshita, ukusenda icifulo ici; umuntu musuma. Kuli bibili nangu batatu abalumendo abali nankwe, nibakafwa bakwe kibili ninkonkani"?

⁸⁶ Kibili ichalichi ca ici Cicetekelo kuti cabikwa kulya, ico eikaba chalichi camumbali icaku India, ichalichi camumbali icaku Gelemani, ichalichi camumbali icaku Switzerland. Mulandu nshi, nomba line, twalingile ukufikwata mufyalo fyonse umo Naya. Kibili i Mbila nomba, ukufuma apo, kwaisa naimbi, ukufuma kufinankwe nafyo kwaisa nafimbi. Mwamona ico Ndepilibula?

⁸⁷ Nomba, mailo ubushiku, panuma yamailo ubushiku, muli nokumona Mattson-Boze ukwisa kuno, uyo umunandi. Mukamona ifyo umunono, uwalemana umu Swede acitile kulya ku Tanganyika. Alilemo mulya. Kibili, nomba, Mattson-Boze muntu umusuma, lelo ena tacetekela Icicetekelo ico twacetekela.

⁸⁸ Nalimufumya, kibili nokumubula kibili ukumukakillila kuncende yaba ngefyo mu Malembo. Natila, "Mattson, iwe uli munandi. Nomba iwe tawatoloke nangu ukubutuka. Twalaimininafye pano, twikate amaboko yaumo nomunankwe, nga bamunyina abena Kristu, nokulanda." Mwamona?

⁸⁹ Kibili efyo nalambalike i Mbila kuli ena, kibili aimininefyepalya. Atile, "Munyina Branham, na—naulungamika mucine."

⁹⁰ Natila, "Nomba, Mattson, tawacetekela ico, pantu kuti wacisumina Cena."

⁹¹ “Ukuba, Munyina Branham, Nde—Ndecetekela ifyo ulelanda ukuba Icine.”

⁹² “Nomba mulandu nshi taulecipokelela Cena?” Mwamona? Cocefyre Cena kuli ena. Kibili ena—ena, lyena, lilya linefyre afumako, ena naya. Mwamona?

⁹³ Lelo moneni ifyo ulya muntu acitile muli bu minshoni bakwe kulya, umuntufye umo. Pantu, ena kuti atuma ukubwekeleshamo ku Chicago nokusenda Burton nabashala bambi, ukubatuma kulya nga filya, nokutendeka ukubomba. Mpaka, nomba baleima mumakumi yamakana, kukupuputulwa kumo ukunono. Te muntu nefyabupe, muntufye uyo uwakwete ukushipa pakuya kulya nokutendeka.

Nicinshi icali nokucitwa pesamba ly a Ici? Nga balipendelwe muma millioni. Mucine. Twalilufya ilya nshita. Ifyo efyo ukupanda amano yandi kwingaba.

⁹⁴ Nomba ibukisheni, mukucita ici, muli nokusanga ukutila, limbi kuti kwaba inshita iyo muli nokukanasuminishanya na Munyina *Wakuti-na-wakuti*. Imwe kuti mwakana ukusuminishanya pano. Kibili ibukisheni, nga kuti mwafika pacifulo, mwatila, “Ukuba, pantu ena tacetekela Cena nga ine, ine Nshacite...” nomba ninshi kwalibako icintu cimo icalubana na iwe. Tacilubane ku muntu umbi. Cena cintu cimo icalubana naimwe. Ilyo, ababwananyina abo abaleesha ukwikatilila capamo!

⁹⁵ Kwaliba icintu cimo, ifwe ba Branham, twaba pabula, kibili ifwe kuti twalwa ngembwa. Lelo, nangu cibefyo, ilyo twalekele ukulwa, ifwe twali tucili abena Branham. Umo alishibe umubiye ukuti ali ni Branham. Nalishibe ena ukuti ali ni Branham. Ena alishibe ukutila Nali Branham. Mwamona? Lelo ifwe kuti twalwa. Imwe mulacita ico mulupwa lwenu, lelo bena bacili niba munyinenwe.

Ulya e musango cabelamo. Ifwe limbi kuti twapusana, ico cilifye bwino, lelo ifwe tucili umo. Twaba umo muli Kristu. Twalicetekela iyi Mbila, kibili lekeni twikale pamo na Yena.

⁹⁶ Kibili Ndetontonkanya ukutila cilya e cintu icakucita, ukutwalilila ukulacicita, mpaka Yesu akese. Kibili ifyo efyo Nacilafwaya ukulandila muli ulyo musango. Kibili Ndecetekela nga imwe kuti mwakwata kwati...

⁹⁷ Mwamona, mulingile ukuba abansansa na Ico. Nga tamuli abansansa, ninshi pali icalubana. Kuli icintu cimo icalubana. Iwe naukwata, tekutilafye, “Ukuba, umweshi wapwile Nali uwaposako amano, lelo Nshishibe.” Mwamona, ninshi kuli icintu cimo icilubene kuncende imo. Ufwile waba uwansansa, inshita yonse, mwamona, kibili twalililapofye ukumaulapo. Cena niciwa, uuleesha ukumusenda.

Nga fintu, Ine lyonse nalitemenwe kateka wesu uwa kulekelesha, Mista Eisenhower. Nalikwete umucinshi uukalamba kuli General Eisenhower. Atile, "Ilyo twalelwā," atile, "kwaleba inshita ishingi twaletola impolopolo nokuiposa mumfuti, nokutinta akakulashilako kuli yena, nokuleka yapona, kibili yaputwike. Tayalilile." Atile, "Ifwe tatwalekele." Atile, "Ifwe limbi twalibikile muli imbi, kibili yena yaliputwike, pamo." Atile, "Ifwe tatwalekele." Atile, "Ifwe twatwalilile ukulisha mpaka imo yalashile."

⁹⁸ Eifyo. Ulya e musango uwakucimfishamo ubulwi. Twalililene ukwesha. Posenimo ulupolopolo mukati nokucitinta. Naukwata pantu ushintlile, apakutonta apakupika. Kibili nga lwakana ukulasa, posa, kibili posamo nalumbi, nokwesha nakabili. Posamo nalumbi nokwesha nakabili, mpaka lwalasa. Muli lumo palisho ulutuntulu, kibili lumo pali isho lulelasa. Lelo iyo enshila tufwile ukucitilamo. Twalililapofye ukulasa, ukulasa, mpaka icintu cimo cacitika.

⁹⁹ Ni cinshi ico Ndecita? Ndelasa nomba. Ndeya kunse uku, ukwabula ukwishiba nangula...kunse ukuli konse ukutungulula.

Umulimo! Amamillioni yabantu ukulolesha kuli imwe, "Ni cinshi ico muli nokucita? Ni cinshi cimbi icalakonkapo?" Bamo batontonkanya ukutila Nalifwa. Bamo batontonkanya *ici*. Nangula ilya imfuti yalilashile, ubushiku bumbi, batile Naleesha ukuipaya. Ifintu fyonse, mwamona, ukushinguluka icalo, nefintu fyonse. Mwamona? Lelo imwe mwalikwata fyonse filya ifya kulwishanya nafyo. Nomba, naukwata icisendo cabantu.

¹⁰⁰ Kibili elenganyenifye, nga cakutila Lesa kuti abika pali imwe, ukutila imwe mwalishibe umutima wabantu abo mwalelanda nabo? Tontonkanyeni pali ico. Mwamona? Mwebabwananyina, nalimo, Ninjishiba ukutila namukwata ifisendo, lelo tamwiluka. Kibili kunse ya ico, apa, namukwata umulimo pano.

¹⁰¹ Mwatila, "Ukuba, cilya cilingile ukuba icaanguka kuli iwe, Munyina Branham. Icintu icili conse icakucita, Lesa akwebafye." Iyo. Ena tacita ifyo. Ndapiba, ngefyo mucita, kibili nokucilapo. Mucine. Ningile ukupibilapo namaka nganshi ukucila ifyo mucita.

Kibili kuli nokuba fimbi ifikakabilwa ukufuma kuli ine. Uko mulingile ukwasuka palwa chalichi, uko mulingile ukwasuka palwa lupwa lwenu, nangu nalimo palwenufyne, mwamona, kuli imyeo amamillioni iyo Ningile ukwasukilapo. Ningile ukwishiba imicitile yandi. Kibili Satana nga alemitoba, kumulandu nomweo umo, nangu imyeo iyo muli nokwikata, nga kunse kuno uko amamillioni yekele mubantantiko? Nifinga ifyakupoleka ifyo aleposa mulya? Mwamona? Eico namukwata

ifingi ifyakwibukisha, mwebabwananyina. Ukutila, tecakupapa ilyo Ngumfwa ukusakamana nomwenso. Mucine.

¹⁰² Lelo nomba Ndeposa amakofi apa. Naposamo impolopolo. Nga yalasa, nifyo fine. Nga nshilashile, Nshaleke. Nalaposa lulya, ngo lushilila, nokwesha lumbi. Lumo pali shilya lwalalasa. Econde icabako kuli ico. Lumo pali shena luli nokulasa, kuncende imo. Nomba, Nde—Ndefwaya ukutonta, eico, ilyo lwalasa, Ndi nokuma pa cintu ico Ndelasapo. Kibili nomba namwishiba ico Ndepilibula. Ndi uwashininkisha. Mwamona? Kuliko icintu cimo, kucifulo cimo. Ndeya kumisonkano iyi, ndeyafye ukutali. Nshicibika pamutima ukufunda ifi fintu ifikalamba ifyo Mfunda imwe mwebantu.

¹⁰³ Muleibukisha ifyo cilya iciloto, ico Nakwete ubwilulo, cali? “Bwelelenimo nokututila Icakulya.” Nikwisa kwali ng’anda yakusungilamo? Lino ihema. Nikwisa kwaba icintu icili conse icapalana nacena mu calo, ukushinguluka kuno ukuli konse, ico mwingapashanya ne Mbila iyo twakwata?

Nomba, nifyo fine, bamunyinefwe abaice besu pano abali kuno, amachalichi ayanono yambi, nifwe. Twaba bamo.

Nikwi wingaya, muku Cisanga? Langisheni icakupashanya Naco apali ponsé. Wayafye mulya mwine mumasambilisho yaflonganino. Imwe muli nokutalukafye ukufuma kwi Shina lyakwa Shikulu Yesu. Imwe muli nokuya ukufuma kuli ifi fintu fimbì. Mwamona? Kibili pano epo Icakulya cabikwa.

¹⁰⁴ Ukuba, i Mbila imo iyo Nshimikila kuno kuli imwe bonse... Moneni, Ndashimikila ukufuma pali imo ukufika kuma ora mutanda kuli imwe, pa Mbila. Ukuba, nga Nali nokubomfyà imo pali shilya i Mbila, Kuti napwisha umulungu uku Ishimikila, utunono *apa* kibili notunono *palya*, mwamona, pantu Yaliletwa pano.

¹⁰⁵ Yaliba pa matepu. Ili nokuya isonde lyonse pa matepu, ku abantu mumayanda yabo. Yalya amatepu yakaponenafye bwino bwino mumaboko yabalingilwa kabela abakwa Lesa. Ena kuti atungulula i Cebo, Ena ali nokusontelela ifintu fyonse bwino bwino fye kumulimo wafiko. Ulya e mulandu wine Antumine ukucita ici: “Ukututila Icakulya kuno.” Ena alinkanya ukuya ku fyalo fyakutali.

¹⁰⁶ Munyina Arganbright atile, “Ukuba, isa, kabiye. Naukwata inshita yabushiku imo, lelo tuli nokukutwala mukutandala ukushinguluka icalo conse.” Umusango Namwene Munyina Fred na Munyina Banks untu bale esha ukuya.

¹⁰⁷ Natile, “Ine teti nje muli iyo nshila.” Mwamona? Calangisha ukuti kuli icintu cimbi.

¹⁰⁸ Nalitinika ukufika kucakulangisha nomba, lelo Nshishibe inshila iyakuyamo. Kibili kuli impolopolo ishinshingulwike. Bushe Nanjita ukumbwekesha mukubila imbilansuma? Bushe

Alinjita kuli ba minshoni abakufyalo fyakutali? Bushe Alinjita ukuba kasesema Wakwe? Bushe Ndi nokuba kakumba kuncende imo? Fyonse ifyo Ndi nokucita, Nakulatwalilapofye ukuposamo impolopolo nokuilasa. Imo pali shena ikalila. Lelo Nshilifye nokwikala nokuleolesha, ukutila, "Shikulu, Bikeni impolopolo mumfuti." Ndebika ulupolopolo mumfuti, nokutinta nemwine. Lekeni Ena alase. Ena e Ùmo uwakusakamana palwa cilya. Lekeni ine ntwalilile fye ukulaenda.

¹⁰⁹ Kunse, ilyo Naya muli uku kulongana nomba, Ndi nokuyafye. Nshishibe. Cena, Ine—Ine limbi teti nande icintu cimo palwa iyi Mbila ngefyo Nshimikila pano. Ine limbi teti nkuate inshita imo iya bushiku iya kulingulula. Nshishibe. Nkayafye, ukwabula ukwishiba ifyo Ndi nokucita. Ine tekuti mwebe. Ndeyafye, kabili icofye ceka.

¹¹⁰ Kibili ulya e musango mulingile ukucitilamo. Namukwata icintu cimo mumano. Abantu pano balefwaya ichalichi. Mukacikule. Mukendeshe, mukacimye. Mukabule bakafundisha nefintu.

Mwe babwananyina munyina kwishilya, namachalichi yenu ayanono, kabili mulefwaya ukucita, mulebomba umulimo, Lesa akamulambula pali ico. Kabiyen'i kunse kulya, muleshimikila, ukucita ifintu fyonse ifyo mwingacita. Lekeni imwe bonse mwise capamo, mwebumba lyabaume, nokukwata ukulongan'a, nokulanda pa fintu ifyashika ifya mu Malembo.

Kibili, mulepepa. Mwiesha—mwieshafye ukwisa kuno mukukolongan'a, kanofye mwaisa kukulongan'a kwa mapepo kweka. Pepeni munkama. Ikaleni muncende. Kabiyen'i mumiputule yenu. Fisameni pancende imo. Kibili fukamenifye, nokwikala kucinso cakwa Lesa, nokwikala palya.

Elyo nga mwasanga ukuti, cilemoneka kwati icintu cimo cilesela, oh, imwe muleyafye, kabili mwasanga ukutila cilefuma pa Cebo, nomba beni abalola. Te mulandu ifyo cilemoneka icisuma, iminineni palya pene. Umupashi uwalubana walimpumine. Pantu, i Mbila yabuno bushiku ili ku Cebo. Mwamona? Mwiesha . . . Mwamona?

¹¹¹ Nga mwatila, "Oh, mwe, Munyina Branham! Ndemweba *ici-na-ici*. Mulandu nshi, *Wakuti-na-wakuti* aiminine inshita imbi iya bushiku, ici cintu cimbi calicitike nga *ifi*."

Cimoneni. Cimoneni mukuposako amano. Mwiesha ukukana nangu cimo. Lolelenifye nokumona ifyo cibomba, elyo kabili nokucileta ku Cebo nokumona ifyo cileipashanya ne Cebo. Nomba, nga cena cilepashanya ne Cebo, nefintu fyonse filifye bwino, tasheni Lesa, kabili twalililenifye ukulaenda, mwamona, cikulufye cikele mu Cebo. Uyo emusango ndecimwenamo, ifyo Ndetontonkanya mufwile ukucita.

¹¹² Munyina Neville, Munyina Ruddell, Munyina Crase, na Munyina Beeler, naimwe bonse mwebabwananyina muno,

Junie, konse kuntu uli, namwebashala mwebabwananyina, Lesa amupale nganshi.

Ndemona Terry, Lyn, Charlie Cox, Davidi, mwebengi imwe mwebalumendo muno. Lesa amupale. Mwe! Ifyo Ningatemwa ukusenda abanono muli imwe, ukuba bakasabankanya bambila nsuma, nokumibika kuncende imo, ukwishaiba ukutila namukula. Imwe kuti mwaiminina nokwishaiba i Mbila, nokubelenga, ukuishininkisha mwebene, muleumfwa ubwite mumweo wenu. Nimona bibili nangu batatu abaume imisepela, kabilo bane nangu basano, abekele, pamulongo umbi kunuma *kuno*, kabilo—kabilo ngefyo. Iwe uli mulumendo. Ndeya ndekota. Munyina Neville aleya alekota. Tuli abaume abakalamba. Ngenshita yapita, tulinokufumapo pancende, panuma yakashita akanono. Mufwile ukucita ifyo tulecita. Mwamona? Kabilo eico, mwamona, kabilo lyena, nalimo, muli bulya bushiku, nangula tukakula nganshi, nga kukaba mailo.

¹¹³ Lelo ilyo kucili ileelo, lekeni tubombe ilyo kucili akasuba. Mailo limbi tayakese. Nga yafika, lekeni tuipekanishe. Mwamona ico Ndepilibula? Nomba, ico eco Ningatontonkanya, kuli imwe.

¹¹⁴ Bushe kuti caba icisuma ukumona munyina kulya lubali ukufuma ku Utica, Munyina Crase, imwe bonse ababwananyina bambi muno, ukwisa capamo, ukukumana, ukwisa mucifulo. Imwe ba kapyunga ikaleni pamo nokulanshanya ifintu. Mulingile ukukwata isenge kucifulo cimo. Imwe mulingile ukukwata icintu cimo, ukwisa capamo, ukuba nga abaisa capamo. Imwe bonse mulesa capamo nge bumba lyabantu nokucetekela umo nomubkiye, kabilo nga filya, nokulanshanya pali aya mafya, nokwikala, nalimo, umuku umo pa mweshi, bakapyungafye. Mulekumana kuncende imo mumachalichi yenu. Ikaleni palya nokulanshanya pali cena, no kulanda pali cena, cila umo muli imwe bakakumba, nabakabila wa mbila nsuma, kabilo nafyonse ifyo mwaba.

Kabilo nomba nga kwaisha ubwafya bumo, teti mubupwishe, ninshi, nga Naitwa muciputulwa cakubila imbila nsuma. Nshishibye nga cakutila Nkaba. Nga Nkaba, namwishiha Nkesabwela, lyonsefye, inshita yonse. Kabilo elyo nga mwasenda filya fintu, lyena, ilyo Nkabwela kuno, ukuba, ifwe tukakumana capamo nokwikalafye kulya. Umo muli imwe nakwata ubwite mumweo wenu... Ifwe tatwakakwate ifyakulanshanisha kumbali nefintu ifyo twakwata. Tukesafye capamo, nokwikala kulya mpaka tukakwate EFYA SOSA SHIKULU.

¹¹⁵ Kabilo nga kuti mwakutuluka bakashimikila bwino, kabilo ena aleyafye bwino, moneni ifyo ali nokucita. Ena ali nokongola i... Cena kuti caamona pamyanda iya ifi fintu. Ifyo efyo cili. Tuleumafye, mwamona. Mulingile ukucifwaila imibombele, imibombele yakwa Lesa.

¹¹⁶ Nga filya Yethro alandile kuli Mose ukutila, "Malandu nshi, tekuti ufipwishe fyonsé." Nangu, kabili Lesa alibikile abakalamba kunse kulya, amakumi cinelubali aya bena. Kabili abulile u Mupashi uwali pali Mose, noku ubika pali balya abakalamba amakumi cine lubali. Kabili bena baliseseme. Kabili tacanishe Mose nangu panono. Calimukoseshe. Ena akwetefye ubusesemo ubwingi muli ena nga fintu akwete ilyo tabalafumya Umupashi ukufuma pali ena, uwakusesema. Mwamona? Ena apatwilefye, nokutila, "Nomba, Mose, lekeni bapingule utuntu tunono. Kabili, lelo, ilyo caisa kufintu ifikankala, muleisa pamo nabo nokubafwilisha ngefyo."

¹¹⁷ Nomba, ulya e musango. Ilya yali ninshila yakwa Lesa kunuma kulya. Ilya yali ninshila yakwa Lesa mu—mu Nkulo ya Chalichi iyakubalilapo. Kabili Ndegetekela cena ninshila yakwa Lesa nomba, cisuma, kuli ifwe ukucicita. Eico, lekeni tucicite. Lekeni ukulandafye palwa cena, nokucicita. Epelafye. Ifwe kuti twacicita kukusenamina kwakwa Lesa. Tamulecicetekela?

Nomba, nomba, natumone. Oh, Ninpwisha inshita yandi.

¹¹⁸ Lelo Billy acilemba akakalata pano. Pali minitifye, Nkamone ifyo kena kali. "Mfumine ku New Albany. Umwana Grace, mu Memorial Hospital, naifuna ukuboko. Alefwaya mumupepeleko. T-r-o-u-b, W.C. Troub." Troub, ifyapala ifyo.

Natukwate amapepo palwa uyu umunono umukashana.

¹¹⁹ Shifwe uwa mu Myuulu, ilyo tulelanda nomba, kabili Ndetontonkanya ukutila nalimo ilyo Irenaeus aloleshe pebumba lyakwe ilinono ilya baume, limbi lyali ibumba ilinono nganshi ukucila abali muno muli ino nshita yabushiku. Kabili takwete icipuna cakwikalapo. Baleikala pamabwe yapapatala. Kabili balikele palya, kabili alilandile nabo. Balya abaume baile kunse nangula ilyo, ukuya, balishibe ukutila bena kuti balishiwa ku nkalamo, imitwe yabo ukuputulwa. Lelo Icitetekelo ica bashifwe cicili ica mweo, temulandu wacilindi, umulilo nolupanga.

¹²⁰ Nde Mutotela pali aba baume, Shikulu. Ndepepa ukutila Mwalabapala. Kabili Ndepala cila umo muli bena, mwi Shina Lyenu, ukutila Mwingabasungila mu Cicetekelo ico capelwe pansiha imo kubamushilo, kabili tabakatale bacite icapusanako kuli ico. Kabili ukufuma muli ili bumba lekeni Mutume bakakumba, bakafundisha, bakabila wa mbila nsuma. O mwe Lesa, cipeleni. Kabili lekeni bena bekatilile pa cilindi cakufisamamo, konse uko bali. Lekeni bena batwalilile ukubomba mpaka Yesu akese.

¹²¹ Kabili nomba, Taata, Ndepepela pali cila cimo palifi ifyakulomba ifyo fyaisa muno bushiku, kabili ndeipusha ukutila Mwalaibukisha uyu namayo umunono pano, uyo uwaifuna ukuboko kwakwe. Lekeni amaka yakwa Lesa Uwamaka yonse yamundape nokumulenga ukuba umutuntulu. Cipeleni, Shikulu. Napepa ukutila Mwalamwafwilisha nokumupala.

Paleni abatemwikwa bakwe pakutuma lamya. Kibili lekeni amaka ayabushishe Yesu ukufuma mu nshishi yemye uyu mukashana. Lekeni ukuboko kwakwe kundapwe.

¹²² Fyonse ifyakulomba ifyacilumbulwa muno bushiku! Ulyo mulumendo umubusu uulele palya, uyo ukwete ici, Nacumfwa munyina abilisha pali cena, ukutila u—ubulwele bwa Hodgkin's bwalimulya mpaka icinso cakwe capya, na radiumu nefintu ifyo balemupela. Mwe Lesa, abe uwaluse kuli ulyo mulumendo. Lekeni abe nomweo.

Twatontonkanya pali ulya mwaume uushaiteyenye uku Mikumanya, kibili naya nomba; umukashi wakwe nakwata umutwe uwafungauka. Umwana uwabulwa! Bonse aba bambi!

Nkashi Bruce, uusenda yalya menshi. Ena aleya alekota, mwe Taata. Kibili palya aocele amaboko yakwe, kibili pamulu napanshi wamubili wakwe. Ifwe twamupepelako. Ena nalimo balimuteka mucipatala. Kibili ifwe tulepepa ukutila imwe mwalamupususha nokumufumya. Cipeleni, mwe Taata. Tulelomba aya mapalo mwi Shina lyakwa Yesu Kristu. Ameni.

¹²³ Nomba Ndefwaya ukumipusha icintu cimo, kibili namipusha nga cakuti—cakuti namucetekela ukutila tukwate inshita iinono pa Cebo. Bushe namukwata? [Ulukuta lwatila, "Ee."—Kale.] Pamulandufye... Nomba cili, Ninjishiba, inshita naipwako panono, lelo Nacikwata icintu cimo icinono pano ico Nacitontonkanya ileelo, ukutila kuti Natemwa uku—ukulanda pali, pali minitifye, kibili cena limbi kuti camwafwilisha.

Kibili Natontonkenye, intanshi, ukutila kuti Nabilisha ici. Nomba, cili pali iyi tepu. Kibili ngo muntu uuli onse engafwayapo ukusontelela kuli yena, Jim ali nokuikwata, mwamona, kufyo Ndetontonkanya pacilingile ukucitwa, kibili nomba nicinshi icingacitwa kuli i... kuli imwe ba munyina.

¹²⁴ Nomba, bushe namwishiba, ilyo balya bantu abakubalilapo baile, inshita shimo balifye nalimo mutanda nangu cinekonse konse ayabena, capamo? Kibili batenseshe icalo. Ukuba, namwishiba, ilyo Aquila na Priscilla, kulyo kupuputulwa ukukalamba uko Apollos akwete kulya lubali, kwalifye nalimo mutanda nangu cinekonse konse abaume nabakanashi muli lilya ibumba. Cilya chalichi conse, capilibwile mutanda nangu cinekonse konse. Imwe namukwata fisano nangu mutanda, imiku cinelubali nabengi muno bushiku ngefyo bena bakwete lilya.

¹²⁵ Namwishiba, Yesu akwetefye abatumwa ikumi limo nababili. Ifwe lyonse tutontonkanya pacintu cimo icikalamba. Lelo Lesa tabombela muli shilya mpendwa ishikalamba. Caba muli aya mabumba ayanono eko Ena acifumya. Mwamona? Lolesheni ukupita munshita shonse, pansiha ili yonse iyo Akumanyapo abantu. Cali mumabumba ayanono, mwamona, kibili alandile pamo nabo, nokubalashika. Cena cisekesha

Lesa ukucita cilya. Uyo e musango Atemwa ukucicitilamo. Kibili nomba tulefwayafye ukusunga Lesa pakati kesu, nokuya, ukulacita ifi fintu.

¹²⁶ Nomba, pa Mulungu ulucelo, Shikulu ngasuminisha, Ndefwaya ukulanda kuli imwe pa *Ukusabankanya Imbilansuma Kwapa Cungulo*. Kibili nomba Ndi, nga Shikulu asuminisha, Ine nalimo ndinokuya mpaka inshita yalusuba iyo amabula yapona, kibili ilyo Nshilabwela nakabili. Ine nalimo nkabwela inshita imo, mulya mu Lusuba lunono.

Kibili nomba Ndesubila, pali ilya nshita, ukutila fyonse ifintu fikendafye bwino kuli imwe mwe babwananyina, kibili ukutila ukulongana kwenu kukakule mu mpendwa, kibili ukusenamina kwakwa Lesa kube pali imwe bonse, mpaka tukakumane. Kibili Ndesubila ukutila imwe mwalampapelako, nokulunduluka.

Ibukisheni, ukumpepelako, ico cilepilibula ukuti muli babomfi banandi. Imwe muli—imwe muli bacibusa wandi, kafwa wandi. Kibili, capamo, ifwe tuli bakafwa muli Shikulu. Kibili nomba, ilyo Njiminine kunse kulya kuntansi ya mulwani, Nde—Ndefwaya ukwibukisha balya, abacishinka, abacine abashilika abo amapepo yabo yasukwa nabacushiwa, kibili balya baume balempepelako. Nine ncikabila kunse kulya. Ine mucine cine ndecikabila. Eico, bonse mulempepelako ilyo mwalongana. Mwilandabako, mukulongana ukuli konse. Mulempepelako.

¹²⁷ Nomba, muli Yohane Washila, chapitala 9, Ndefwaya ukubelenga ukufuma pa versi 26 ukufika ku 35, nomba, pama mineti fye ayanono. Kibili twalaisalila—twalaisalila mu mumamineti yalakonka amakumi yabili nangu amakumi yatatu, nangu limbi ilyo inshita tailafika, Shikulu nga atemwa. Ndefwaya ukubelenga aya Amalemba nomba ukufuma mu Washila Yohane, 26 ukufika... Yohane Washila 9:26-35, Ninemba apa, icintu fye cimo ico Naletontonkanyapo.

Nomba balandile bena kuli ena nakabili, Cinshi ico ena acicita kuli iwe? ni mumusango nshi aciswilamo amenso yobe?

Kibili abaswike bena, Nimyeka akale, kibili imwe tamwa cumfwa: eico mulefwaya ukumfwa...nakabili? bushe naimwe mulefwaya ukuba abasambi bakwe?

Nomba bamusatwile, nokutila, Iwe niwe musambi wakwe; lelo ifwe tuli basambi bakwa Mose.

Twalishiba ukutila Lesa alandile kuli Mose: lelo pali uyu muntu, tatwishibe noko afuma.

Umuntu aaswike nokutila kuli bena, Mulandu nshi pantu pano pali icintu cakusungusha, ico imwe tamewishibe noko ena afumine, kibili cibe ena ewishibe amenso yandi.

*Nomba natwishiha ukutila Lesa tomfwa aba bembu:
lelo ngacakutila umuntu onse aba kapepa wakwa Lesa,
kabili nokucita ibufwayo bwakwe, ena alamumfwa.*

*Ukutula apo isonde lyatampila bushe calyumpwika
ukutila umuntu umo naisula amenso ya muntu umo uyo
uwafyelwe impofu.*

*Ngacakutila uyu muntu tali uwakwa Lesa, tekuti acite
icintu nangu cimo.*

*Nomba baaswike... Ba aswike nokutila kuli ena,
Naiwe capamo wafyalwa mu lubembu, kabili iwe finshi
ulecetekela ulecetekela Umwana wakwa Lesa.*

*Kabili Yesu alyumfwile ukutila nabamutamfisha
kunse; kabili lintu amasangile, atile kuli ena, Bushe
ulecetekela ulecetekela Umwana wakwa Lesa?*

¹²⁸ Nomba Ndefwaya ukulandafye pama mineti ayanono kuli imwe mweba bwana nyina, ukwishiha ukutila ukulanda kwandi ukunono pano, Nshishibe icalafumamo muli cena. Kucetekelafye ukutila Lesa ali nokucibomfyia mu nshila imo. Kabili nomba muli ici, pa Cebo Cakwe, eico Ninjishiba ukutila Munyina Sink, Munyina Neville nangu umo pali imwe ba kapyunga, ilingiline malashimikila. Kabili pakuba fye pamo naimwe, mwalanjelelako, Ndefwaya ukulandafye kuli imwe panono muli uyu musango.

¹²⁹ Nomba Ndefwaya ukubula isambililo pano ililetila: *Ukusenda Ulubali Na Yesu.* Aba Faliseo ne ntungulushi isha mu bushiku Bwakwe lyonse shalesha Ukumucefya ku cinso cabantu. Ilya ine eyali ninshila yakwa ciwa intu akwete iyakubombelamo. Bonse aba Faliseo naba kafundisha aba mubushiku Bwakwe batwalililepo ukwesha ukumucefya Yesu. Bena, fyonsé ifyakulanda-fyabipa balelanda pali Ena, balicitile ifyo. Baleumona Ena, mukutwalilila, ukufwaya apo bena bengasangila umulandu. Kabili tabatalile abalande pa fintu ifisuma Fyakwe. Bena lyonse balefwaya icintu cimo ico Bengamucefeshapo, nokutila, "Mwamona, lolesheni pano. Ngacakutila Ena muntu wakwa Lesa, Tekuti acite ico muli *iyi* nshila." Nangu, "Ngacakutila Ena muntu wakwa Lesa, Tekuti acite ico *muli* ilya nshila." Baleesha ukuposa icinshingwa pali Ena, ukulenga abantu ukukana mucetekela Ena. Uyo emulimo wakwa ciwa.

¹³⁰ Kabili ubo ubantiko bwa kale tabwapwa. Kuli inshita ishingi isho kapyunga engapanga icilubo. Kabili ngacakutila aya pa mwina mupalamano, munyina umusuma uyo uleesha ukucita icintu calungama, kabili nokutungulula abantu mucalungama; icintu conse ico ciwa engasontapo ku ushacetekela nangu abo bene abetwa abena Kristu, mulu balya abena mupalamano, ukuposa fyena pali ulya muntu, ena kuti acita ico.

Namewishiba inshila ya mwina Kristu umutuntulu kufisa icintu conse ico iwe wingacita kuwa cetekela. Taufwile ukulanda pa fintu fyabipa fyakwe. Kulandafye pa fisuma. Kulandafye pa fintu ifisuma ifyo waishiba pali ena. Ngacakuti icintu cimo nacibipa, cileke cibe. Umuntu uyu umulanda nakwata ifyalinga ifilemulwisha, nangu cibe ifyo. Taufwile ukubula icimuti icitali nokumusunkila pansi mu cilindi. Imicitile ya mwina Kristu ku mwimya nokumufumya mucilindi. Mwamona? Taufwile ukwesha ukumusunkilisha mucilindi pansi. Ali pansi, kale. Weshe ukumwafwilisha ukufuma. Kibili, lelo, fwe bengi pali ifwe ileelo, abantu abengi nganshi ileelo, kuti limbi Natila, balesha ukucita ico, ngacakutila kuti bena bakwata icintu cimo cimbi ico bena bengalanda, cilya icine cine calibipa.

¹³¹ Nomba, ku cakumwenako, ngacakutila—ngacakutila umo pali imwe mwebabwananyina kuti apanga icilubo nakucita icintu cimo icalubana; ico, imwe mwingacita; Naine, pamo; umuntu onse pali ifwe. Lelo, ilyo tuleya ku ntanshi, lekeni twibukishe ukutila tuli ba munyina. Tuli ba munyina. Kibili nganatukwata ukulwa ukuli konse, lekeni tulwe umo munankwe. Tulete cena capamo. Tulete ico ku cinso caba bwananyina nokucipwisha.

¹³² Nomba, balecita, mu lupwa lwakwa Branham, ngacakutila umo pa baice nga acita icintu cimo, bena baleeba Bill palwa ico, pantu Nali umukalamba wabo. Kibili Naleiminina palya nokumona ninani uwalungike kibili ninani uwalufyenye. Ukuba, ukupanda kwa mano yandi kwaleba ukwakutila, ngacakutila bena...ninani umo uulungike kibili ninani uulufyenye. Ngacakutila bena tabalecetekela ico, nomba bena baleya nokulanda kunuma yandi. Lelo bena bali niba munyina, mwamona. Bena balelwa kunuma ya lubansa, umo nomunankwe; kibili nokulwa kuntanshi yalubansa, ukulwilako umo nomunankwe. Eico ifyo efyo caleba, mwamona, kibili batwalilipo ukuba bamunyina.

¹³³ Ukuba, iyo enhila ifwe—ifwe twalecitilamo ici. Mwamona? Ngacakutila iwe naukwata icintu cimo ukulola ku muntu umo, munyina obe, taufwile ukweba umuntu umo umbi palwa ico. Ngacakutila cena cintu calubana, kabiye kuli ena noku mweba. Kibili nomba ngacakutila acita ifitala kuli iwe, lyena sendako umuntu umo umbi pamo naiwe. Nomba mucitwale munshila Baibebe yalandilamo.

¹³⁴ Lelo, Yesu, bena—bena baleeshafye ukusanga konse akacishingwa kanono ako bengasanga, ukwesha Ukumucefya ku cinso cabantu.

Kibili ico eco Ciwa afwaya. Bena efyo bafwaya—bafwaya ukonaula ulongolo ku bantu. Iyo ine enhila ufwile ukumona ukuti waba uwacanjela paco ulecita. Ukwenda nga bantu aba cine cine abakwa Lesa. Ukulanda nga bantu bakwa Lesa.

Mwamona? Ukucita nga bantu bakwa Lesa. Ukwikala nga bantu bakwa Lesa aba cine cine. Pantu, "Ciwa, icibambe cenu, aleendauka nge nkalamo ilelila, ukufwaya ukonaula abo engonaula."

¹³⁵ Mulandu nshi bena bacitile ici? Bakwete akalumwa pali Ena. Uyo wine emulandu baeseshe uku Mucefyia. Bakwete akalumwa pa bupyungishi Bwakwe. Kibili uyo wine emulandu balefwaila ukumucefeshapo. Ukuba, Akwete ubupyungishi bwakwa Lesa, kibili balishibe ico, lelo Cena cali icapusanako kumasambilisho yabo. Eico bena baleesha Ukumucefyia, ukulenga ifintu fyonse Ena... akacilubo konse ako bena bengasanga, Ukumufumya mu nshila. Balefwaya Aleke. Balefwaya abantu Bamusule.

Balefwaya ukulanda ukuti, "Nomba, uyu Muntu tapali nefyo ali. Lolesheni pano. Nomba, mwamumona Ena ali palya. Ena—Ena—Ena acitile *ici*, kibili imwe namwishiba ukutila ico tacili icalungama. Twalifundwa, mu myeo yesu yonse, ukutila tufwile twacetekela abakalamba. Kibili Ena ali pano, naiminina palya pene nokubilikisha pali ulya mukalamba bubi bubi. Ena tasumineko kulutambi lwaba taata. Kibili ifwe twaba... Ifwe tufwile ukucetekelako ku lutambi lwaba taata. Twafundwa ico, kuli cila kafundisha, yonse imyaka yapita. Kibili pano uyu Muntu aisa pano nokukana suminishanya pamo nabena. Mwamona? Mulandu nshi, u Muntu waba nga filya talingile ukuba kashimikila." Mwamona? Bena baleesha Ukumucefyia.

¹³⁶ Lelo, muli cilya conse, bambo balya abamucetekele Ena kibili Nokumutemwa, kibili bamwene nefya mu Malembo Yakwe, ifishibilo fya fisungusho, tekuti bena baficinge. Iyo, mukwai. Bonse aba Mucetekele bali Mucetekele. Balya bonse aba Mutemenwe baiminine Nankwe. Bena tabamwene ifyo bambi balebasontelela.

¹³⁷ Oh, ngacakutila kuti twaba ifyo! Ngacakutila twakanafye ukumona. Ngacakutila umuntu umo kuti aisa pano pa ncende, nokutila, "Namwishiba? Batila iwe niwe pentecosti."

"Tekupitila mucilonganino."

"Ukuba, iwe wali... Iwe, niwe balya ababatishiwa mwi Shina lyakwa Yesu."

"Ee. Ico nacilungama."

¹³⁸ "Ukuba, leka nkwebeko icintu cimo. Nalishiba umuntu, pansiha imo, abatishiwe muli iyo inshila, kibili acitile *ico-na-ico*."

¹³⁹ Lelo lolesha, ico tacikwete nangu cimo icakucita pamo Neco. Cena ni ciwa, uuleesha ukuposa icinshingwa pali iwe. Balesha lyonse ukusontelela iwe ku bwato bwakale bulya ubwaonaike ku lulamba lwa bembra, lelo tabakusontelela kuli ulya umo uwapangile ubulendo ukuba ubwacingililwa. Ico nacilungama. Mwamona? Ico nacilungama.

¹⁴⁰ Bena lyonse besha ukuposa icambi cakwa mwankole kulya, nokutila, “*Ici e cakumwenako. Apa epali cilya icacitile ico. Nalishiba kashimikila umo uyo ni kashimikila waba holiness, kibili acitile ici, nacilya, nangu cimbi.*” Lelo tabalandpa pali bambi abashaba ba holiness, abacitile cilya pamo, mwamona. Kibili tabalandpa fintu ififikalamba ifyo Lesa acitile.

¹⁴¹ Kwati ifyo umuntu umo engalanda, “Oh, pano *uyu* muntu afikile apabipa. Ena, afikile apabipa.” Ena limbi ewacitile cilya. “Ayonawile umwine palwakwe. Afikile apabipa. Asangwiwe uwapena.” Limbi ewacitile cilya. Lelo ilyo balesonteleta ku baile, kuli umo uwacililemo, nga pali aba ama millioni abashacililemo apakalamba? Balafilwa ukumona ico. Mwamona ico Ndepilibula?

¹⁴² Eico, abantu balyesesh, balya aba Faliseo, naba Saduke, naba myalumwalu, nabakwa Herodi, kibili bonse baeseshe ukuposa icinshingwa pali Yesu. Lelo balya abacetekela aba cine balya abamwenenwe libela ukumfwa ilya Mbila, bali Yumfwile kibili tabamwenemo icilubo muli Yena nakalya.

¹⁴³ Cimo cine nomba. Bonse aba Mucetekela, Balimutemwa. Bonse aba Mucetekela, tabamonamo icilubo muli Ena. Tabamona icabufi icili conse. Tabamonamo icilubo icili conse. Bena tabamwenemo icalubene mu Cebo Cakwe. Tabamonamo icilubo icili conse mu bantu Bakwe. Bamonomofye Yesu. Epela. Bena, baba—baba abamwenwa libela ku Mweo wa Muyayaya, eico bena babulafye ulubali na Yesu nokwikala palya.

¹⁴⁴ Twaleimba akalwimbo akanono, Munyina Roy Roberson, kibili twaleimba akalwimbo akanono, Ndetunganya, inshita iwe wacisa pano:

Ine ndi nokubula inshila pamo nabasulwa
abanono abakwa Shikulu,
Ine natampile pamo na Yesu, kabi
Ndetwalilila.

Ine kuti nafwaya ukwenda na Yesu eka,
Nokumukwata ngo musamino wandi, kwati ni
Yakobo, ne libwe.

¹⁴⁵ Ukuba, mwaumfwa akalwimbo kanono. Nacilungama. Kuti nafwaya ukubula inshila iishawama, ukubula inshila yaba sulwa, ukubula inshila yaba-landwapo, nokwenda pamo na Yesu. Nokukana monamo icilubo muli Cena, nakalya. Taufwile ukumona pa kuluba kwa muntu umbi. Iwe utwalililefy ukulaya. Epela.

Nomba, iyo enshila bacitilemo Yesu. Tabacitile—tabacitile...

Kibili mufwile ukufunda abantu benu, imwe bakakumba, ukucita cimo cine.

¹⁴⁶ Ngacakutila umuntu umo aisa, atila, “Namewishiba, ichalichi cenu, mwali *ici-na-cilya*. Bena . . .” Ee, mukwai.

¹⁴⁷ Kuti kwaba limbi ikumi nababili ilya bena nabekala palya nomba, lelo ngapalwa umo ulya—ulya—uulungeme, ulya uwikele palya? Mwamona? Imwe muli—imwe muli—imwe muli . . . Imwe tekutifye mumone impanga iikalamba, iya fimiti. Epela. Nomba, ico ninshi capwa, kubwelelamo bwino kunuma nakabili. Mwamona nomba?

¹⁴⁸ Kibili eico balyeseshe. Tabali abakabila ukusumina ukutila Ena alecita umulimo wakwa Lesa, eico balefwaya ukubyala ulubuuto lwa cimfulunganya nokuleka abantu ukukana mucetekela. Lelo abantu aba Mucetekele, baikela abalungama pamo na Ena. Babulile ulubali.

¹⁴⁹ Namewishiba, Ndetontonkanya pano, abantu abengi Nalilemba pano. Umuntu impofu taba mu cinjishe bena, ulya umuntu Amupelefye amenso yakwe. Twalishiba ilyashi. Kibili Abapele ilipusho ilyabalashile nganshi, ukulundapo. Nomba, baishile palya.

Kibili na Yesu aishilepo, kibili Ali Muntu uwa sulilwe nokupatwa. Baibele yalandi ukutila Ali nikukanwa. “Tawali no busuma muli Ena, ubo ifwe twingakabila muli Ena. Kibili ifwe bonse nge mpaanga twali lubantile. Ali Muntu wa bulanda, uwaishibene nobucushi bukalamba.” Kibili ifyo fyonse Baibele yatila ifyo Ali nokuba. “Ali nokusulwa nokukanwa.” Kibili twamona ulya Muntu.

¹⁵⁰ Nomba, bonse abacetekela i Cebo, balishibe ukutila filya fine ifintu ifyo Yesu alecita, kibili ne fintu fyali pa mweo Wakwe, balishibe Untu Ena ali. Eico bafililwe ukubikapo icintu cakonaula pali Ena, pantu bena tabacimwene ico. Kibili imwe namewishiba, ukutemwa bupofu, nangu cibe ifyo, kuli filya fintu. “Ukutemwa kufimba pa membu ishingi,” mwalishiba. “Ukutemwa kwapwililika kulatamfyा umwenso, no lubembu, icimfulunganya conse.” Ukutemwa kulacita.

¹⁵¹ Nomba, uyu muntu impofu aikele palya, kibili Yesu naba sambi Bakwe baishile. Kibili Ndetontonkanya Yesu abapele isambililo ilinono pano. Lintu bamwene uyu umulanda, umuntu impofu, batontonkenye ukutila, “Ukuba, nomba icinecine, pali ulübembu kunuma yacilya, pamo pancende.”

Lintu twamona icintu cimo cacitika ku muntu, tutila Lyonse, “Ukuba, alibembuka. Afumine mu bufwayo bwakwa Shikulu, pamo pancende.” Lintu Munyina Crase apunkile mucipilala, “Ena ninshi afumine mubufwayo bwakwa Shikulu, pamo pa ncende,” efyo caingile mwitontonkanyo lya muntu umo. Lintu imfuti yapoleke, pali ine, “Ukuba, alifumine mubufwayo bwa kwa Shikulu.” Munyina Neville apunkishe motoka, “Ena ali kunse ka bufwayo bwakwa Shikulu.” Cilya te cishinka nganshi. Iyo, mukwai. Teifyo. Lesa alasuminisha ifyo fintu.

Yesu apilibwike nokubafundisha isambililo.

¹⁵² Batile, “Taata wakwe awfile ewabembwike. Nangu-nangu, bushe ni nyina wakwe abembwike? Nangu, bushe ena ewabembwike?”

Yesu atile “Nangu umo pali bena tabembwike, lelo ukutila imilimo yakwa Lesa inga sokololwa.” Amen. Mwamona? Lesa aleka ifintu ukutila fyacitika fye... pakuti imilimo yakwa Lesa yasokololwa. Nomba, kibili eico Atile, aebele umuntu, kibili amupele amenso yakwe, nokuya Ena munshila Yakwe.

¹⁵³ Kibili kwaishile aba Faliseo, lintu impupilisho shaile monse. “Apa pali umuntu ulya uwali impofu, uwaleikala palya alelobma, kibili apa alemona.” Kibili shilya impupilisho shaile monse pakati kabo. Kibili, oh, owe, cilya caimishepo icintu cimo. Kibili apa baishile palya, kibili bamwene ukutila umuntu uwali impofu alemona.

Kibili mukubalilapo, baile, balefwaya ukusangapo inshila imo iyakubikilamo umwenso pa bantu bonse. Pantu, balandile kale ukutila, “Ngacakutila umuntu umo alakonka ili Isambisho lipya kabil noyu Kasesema mupya uuleitwa Yesu waku Nazaleti, palya pene bali nokupelwa icipepala cabu kibili nesenge ukupwa ukufuma mu chalichi. Tekuti baye kwi synagogue nakabili. Ngacakuti iwe walaumfwana pano na Ena, ulyea mukulongana ukuli konse u Kwakwe nangu icili conse, iwe tekutu uleyako nakabili capwa.”

¹⁵⁴ Eico, balefwaya ukupanga icakulangisha icikalamba ukufuma muli ico, pantu Balimupatilie. Tabaletontonkanya pali ulya muntu impofu umulanda. Lelo balefwaya ukupanga icakulangisha icikalamba, ukuleka abantu bafumeko kuli Ena.

¹⁵⁵ Batile balefwaya ukwipusha ba taata bakwe naba nyina, eico baile nokuya leta ba wishi naba nyina. Batile, “Bushe uyu mwana wenu?”

Atile, “Ee, mukwai.”

“Batile, bushe afyelwe impofu?”

“Ee, mukwai.”

“Kibili nicinshi icalenga ena ukumona?”

¹⁵⁶ “Kibili ba wishi naba nyina baumfwile umwenso,” Baibele efyo yatila, “pantu baishibe ukuti bali nokubatamfyia mwi synagogue, ngacakutila basumina ukuti efyo cali...”

Kibili, mwamona, efyo bena bali, baingililamo. Batile, “Nomba, natwishiha uyu mwana wesu.”

¹⁵⁷ Oh, limbi amakana ya bantu abanono abeminine palya. Lelo ngacakutila kuti acita... Ngacakutila balya aba Faliseo banunka kuti babika icakonaula pe Shina Lyakwe palya pene, nangu ukucita cimo icakutinya abantu, ngabali Mutamfishe

ukufuma mulya, muli kulya ukulongana. Mwamona? Konse ukongola Kwakwe ngakwalilubile.

¹⁵⁸ Eico batile, ibumba lyabo lyaishile ne fyakufwala fyabo ifya bushimapepo nabafwala, kabili batile, "Malandileko."

¹⁵⁹ Batile, "Natwisha uyu mwana wesu. Natwisha ukutila ena afyelwe impofu. Lelo nomba, ifyo alemona, Nshishibe. Mwipusheni. Mukalamba." Mwamona? Nacilungama.

¹⁶⁰ Eico baile kulya noku muleta, atile, "Ninani akupele amenso? Nimumusango nshi Akundapilemo iwe?"

Atile, "Umo uwitwa Yesu uwaku Nazaleti eumpele amenso."

¹⁶¹ Kabili batile, "Pela ukulumbanya kuli Lesa." Atile, "Malandu nshi, twalishiba uyu Muntu mubembu." Batile, kabili batile, "Nikwisa Afumine?"

¹⁶² Atile, "Nshishibepo palwa ico. Acisafye nokumposha, kabili ico eco Njishibe palwa ico. Ninjishiba icintu cimo ico Njishibe. Tekuti myebe imwe palwa Ena ukuba umubembu, nangu iyo. Nshishibe. Nacimukumanyafye uyu Muntu, ilelo. Lelo ngacakutila—ngacakutila kuti Ampela amenso yandi—yandi! Ninjishiba ici cintu cimo, ukutila, apo Nali impofu pa muku umo, Ndemonia nomba. Ninshininkisha pali ico. Pantu, Naciba impofu, pali citika wa ora uwapitapo, kabili nomba Ndemonafye bwino nga onse pali imwe mwebantu. Eico Ni njishiba ukutila Ndemonia."

¹⁶³ Oh, we cakulasa we icabikilwe pali bena! Eico batontonkenye, "Malandu nshi . . ."

¹⁶⁴ Atile, "Ukuba", atile, "bushe naimwe bonse mulefwaya ukuba abasambi Bakwe, pamo?" Ico cisuma—ico cisuma, ubunte ubwamaka. Ico—ico—ico cisuma ico nintampilo iisuma ico—ico cisuma ico nintampilo iisuma. Ico—ico—ico icine cine kupela ubunte ubusuma, ico Ndelanda atile. Atile, "Bushe imwe bonse . . ."

¹⁶⁵ Pano pali membala uuwacetekeleye, umuntu impofu, uwaiminine pa musebo panuma yakukumanya Yesu, nomba aleipusha abasambi, aleipusha aba Faliseo ngacakutila balefwaya kuba, abasambi Bakwe. "Ba bishipo, ba mwine mushi, bushe imwe mulefwaya ukuba abasambi Bakwe, pamo?"

¹⁶⁶ Batile, "Iyo! Iwe niwe umusambi Wakwe. Ifwe tuli basambi bakwa Mose." Ukulolesha ku numa kulya ukupitila mulyashi lya kale, namwishina. "Ifwe tuli basambi bakwa Mose. Uyu Muntu ifwe tatwishihe nangu cimo palwa Ena. Tatwishihe uko Afumine. Ukuba, tatukwete ifunde ilili lyonse pali yonse amafunde yamu masukulu yesu Apo aishile nayo. Tatalile twipushapo palwa ifi fintu. Mwamona? Tatwishihe nangu cimo palwa Ico. Imwe mwe bantu abali kulya, imwe ilukeni ukutila ulya Muntu talashikwe? Ulya Muntu ali uwamalele nangu icintu cimo. Ena ni Beelzebabu. Iwe alekulowafye.

Mulandu nshi, Takwata insambu ishili shonse. Tatulapela ico kuli Ena. Mwamona? Tatwaishiba nangufye uko uyu Muntu afuma.”¹⁶⁷

¹⁶⁷ Uyu umulumendo mukalamba palya alemona, atile, “Nomba, ici cintu cakusungusha.” Mwamona? Alefwaya ukubula abantu ukuti basushe, aba bantu aba Faliseo eco baimininepo, ukubalenga batine. Mwamona? Lelo ena acitile ukubula ulubali na Yesu, mwamona, eico atile, “Ici cintu cakusungunsha.”

Lekeni mbike bwino, yamo amashiwi ayo limbi ala ndile. “Nomba, imwe mwe bantu abali pano mulatungulula fyonse ifya bukapepa ifya ifi pa myaka imyanda. Kibili mulandu pakwisa kwakwa Messiya napa fintu fimo ifyo fili nokucitika mufinshingwa ifya nshita, lintu u Mulubushi ali nokwisa mukutumona. Kibili mulatweba ukutila lintu Ena aisa, ifyo—ifyo efyo Ena alinokucita. Kibili pano imwe, mwe ntungulushi shabumupashi, ba shimapopo bakalamba kibili naba shimapopo ba muno ncende, mwebeminine capamo pano kuli aba bantu, mwebaleesha ukubifya i Shina Lyakwe, muleesha ukulanda ifintu ifyabipa ukulola kuli Ena. Kibili u Muntu eshile nokwisula amenso yandi ayapofwile. Nafyelwe impofu. Pano pali bataata nabamayo, abapela ubunte ukutila Nafyelwe impofu. Nalikala pano pene pakati kenu, pa myaka yonse iyi, uwafyala impofu. Kibili neco tacakala acititika ukutula apo isonde lyatendekele. Kibili, pano u Muntu aisa nokucita icisungusho ico icishatala citikapo ukutulafye apo isonde lyatampile, kibili, imwe, mwentungulushi shabumupashi, kibili tamwishibe nangu cimo palwa ico.” Whew! Hum! Atile, “Ndetila ici cintu cakusungusha.”

¹⁶⁸ Asendele ulubali na Yesu. Mwamona? Asuminishiwe ukuba impofu pakutila imilimo yakwa Lesa isokololwe, mwamona, pantu aishile nokunakulubali lwa kwa Shikulu Yesu. Asendele ulubali pamo Nankwe.

¹⁶⁹ Nomba, ena abikile icakulasa kuli bena. Namwishiba ico bacitile? Batile, “Nomba twalishiba ukutila iwe wafyelwe mu lubembu. Ule esha ukutufunda?” Bamusunkile ukumufumya mu chalichi. Ukumutamfyia ukumufumya. Bamusunkile panse. Ukumutamfisha panse.

Lelo lilya line bamusunkile panse, bushe namumona? Yesu amusangile nakabili. Amen. Amen. Yesu amusangile nakabili. Eico tamufwile ukusakamana pali bena pakusunkila iwe panse. Ena ali nokukusanga nakabili. Mwamona? Nacilungama.

Kibili Atile kuli ena, “Bushe iwe naucetekela Umwana wakwa Lesa?”

¹⁷⁰ Atile, “Shikulu, Ninani Uyo?” Ena tamwishibe nokumwishiba. Lelo icintufye cimo ico aishibe, mwishibe, cakutila, apo ena ali nimpofu, ena nomba alemona.

¹⁷¹ Nomba, Ninjishiba ici cintu cimo, munyina. Bena kuti limbi baita Ici ukupena, kabilo na conse ico benga fwaya. Lelo, apo Ine pansiita imo nali umubembu, Ine—Ine ninjisa mukusenamina nomba. Icintu cimo nacicitika kuli ine. Mwamona? Ici cintu cimo Ine—Ine nomba ninjishiba. Ku cetekela i Cebo Cakwe, ukucetekela Ena, Nalitamfiwa ukufuma mukabungwe akali konse pe samba lya Muulu. Tapali nangu umo pali bena uyo uuli nokumpokelela nakabili. Imwe namwishiba ico. Bamo abantu babo bali, pano. Abantu abasuma bali nokucipokelela. Lelo akabungwe akali konse fikumo ukusonta pali ine. Ico nacilungama. Lelo Ena alinsanga. Ena ali no kunsanga ku ncende kumo. Ico nacilungama. Mwamona? Ico nacilungama. Ukwisa ngefyo.

¹⁷² Kibili eico cili nokubafye bwino, pantu tulefwaya ukusenda ulubali na Yesu. Kibili inshilafye imo iyo wingasenda ulubali na Yesu kusenda ulubali pafyo Alandile, ukucetekela i Cebo Cakwe. Eico lekeni tusende ulubali na Ena.

¹⁷³ Umwaume mpofu alibapele ubunte ubutuntulu. Cisuma. Tulesanga nakabili ukutila balyeseshe ukonaula i Shina Lyakwe.

Pakashitafye akanono, kibili Ningile ukutoloka ifintu fimo pano.

Eico, inshita imo, kwaliko umu Fariseo. Nalishimikile pali ico pano pakashita akapita, noku lita, “Ukusamba amakasa yakwa Yesu.” Ndecetekela imwe bonse mwalingu’mfwa ndeshimikila pali ico pano, ilyo umu Fariseo aipwishe Yesu ukwisa ku nga’nda yakwe. Umukalamba, uwakale, umu Fariseo uushisunkanishiwa, nokumwipusha Ena ukwisa. Kibili namwishiba Nalilipele icangalo icinono, ifyo kasenda welyashi aishile noku Musanga. Kibili—kibili Aishile kulya, nomba Alishibe ukutila Alipatilwe. Lelo, Alile, nangu cibe ifyo. Kibili ilyo ba Mwingishe mulya, tabasambile namakasa Yakwe nakalya. Kibili lekeni Ekale pansi palya, alenunka, nefyashala fyonde, ukufuma kukucucutika kwa musebo. Kibili Aikelefye palya.

¹⁷⁴ Kibili namayo umunono alingile. Batontonkenye ukutila, “Oh, owe, Shikulu musuma kuli ifwe, pantu, moneni, ici catuletelafye icakusefyapo!” Ba Muletele ukuti ba Mupumye. Ba Muletele kulya icakuti bakwate amangalo muli Ena. Kibili nomba bamwene ukutila Shikulu alebomba nabo, pamulandu wakutila uyu namayo weshina ilyabipa alishile, kibili alelila, nokusamba amakasa Yakwe nefilamba fyakwe, kibili ukuyakumuna nemishishi iyi.

Kibili aba Fariseo abakote nabonse abashala bashimapepo baiminine kulya kucifutu, batile, “Munyina, ifintu fyonde, Shikulu nacibikafye bwino bwino kuli ifwe. Apa kuti twalamfyia shina Lyakwe ino ine nshita. Aita Umwine ukuba Kasesema,

nabantu batontonkanya ukuti Ena ni Kasesema. Kibili ba Mwita Kasesema umwina Galili. Kibili Alanda ukuti ni Messiya, kibili twalishiba ukutila Messiya akaba ni Kasesema. Kibili uyu Ali apa, naikala kunuma kulya. Mwamona uko tu Muletele? Lolesheni kulya. Yangu, natu Mucita icabipa apa. Uyo Ali apo, naikala kunuma kulya, nainama kwati kana kambwa ako bapumine nangu icintu cimo kunuma kulya. Kibili cilende umo, uwebumba Lyakwe umwine, kuti aisa kuno nokusamba amakasa Yakwe ngefyo, kibili nomba Ena taishiba nokwishiba. Nga Aali ni Kasesema, kuti Aishiba umusango wamwanakashi uo ena aali. Nomba, balumendo, twalanwa pali ici,” atile, “pantu, lolesheni kulya.” Mwamona?

¹⁷⁵ Icintu icili conse icingabifya i Shina Lyakwe, icintu icili conse icakonaula isubilo lya bantu, ukwabula ukwishiba ukutila balingililwe kuli ciwa ukucita cilya. Balebomba mukumfwana na ciwa, ukwesha ukufitika i Shina lya Mwana wakwa Lesa.

¹⁷⁶ Musango nshi bena bacitile ici, mwebabwananyina? Pantu bena tabatalile abafwailisha Amalembo. Yesu atile, “Mufwaya mu Malembo. Muli Yena mutontonkanya ukutila mwalikwata Umweo wa Muyayaya, kibili Yena Eyapela ubunte pali Ine.” Oh, we bukapyunga Akwete! Mwamona? Ee, mukwai. “Nga Nshilecita imilimo yakwa Taata Wandi, lyena mwincetekela Ine.” Mwamona?

¹⁷⁷ Lelo apa uyu mu Fariseo atile, “Twa Mwikata nomba. Oh, lolesheni kuno, kuli nalimo abantu ikana limo nemyanda isano kuno kuli uyu mutesbeto. Nomba moneni uko Ekele kulya. Uyo Ekele nacilende.”

¹⁷⁸ Kibili, oh, owe, muli bulya bushiku ico cali icintu cabipa nganshi. Whew! Hum! Kibili Aali palya nomwanakashi cilende, asokelelemo kwati (camoneke kwati) Ena alisokelelamo. Aile apakusambilapo amakasa nafyonse fimbi, nokwikala palya.

¹⁷⁹ Kibili atile, “Uyu ali apa, kulya alesamba amakasa Yakwe. Nomba, nga cakuti Aali ni Kasesema? Mwamona, ba munyina, uyu Muntu te Kasesema. Nga cakuti Aali ni Kasesema, lyena kuti Aishiba umusango wa mwanakashi untu aali, ukusamba amaksa Yakwe.”

¹⁸⁰ Kibili Yesu aikelefye nokumulolesha, taeseshe ukusesha ulukasa mpaka apwisha. Nga muli nokucitila Yesu icintu cimo, Yesu alekala nokumimona ilyo mulecicita ico, inshita imo. Uh-huh. Alakuleka watwalilila mpaka wapwisha, nomba elyo ukulambula kwisa. Nalimo mukabutuka ulubilo lonse ulwamweo, mule Mubombela, lelo, mwisakamana, kuli icilambu kumpela, nga wasendafye inshila yobe nolubali Lwakwe.

¹⁸¹ Nalimo teti—teti umone umuntu umo apola, uyo uo wapepelako. Utwalilifeye ukubapepelako. Inshita ishingi nalilanda ukutila, “Nga Napapelako abantu imyanda isano mubushiku bum; bonse imyanda isano bafwa mulucelo;

mailto ubushiku Nkashimikila ubundapishi bwa maka yakwa Lesa nokupepela abalwele." Mwamona? Tacikwete nelyo cimo icakucita naco. Mwamona?

¹⁸² Ena ali nokukuleka ukupita mukucimfiwa nefintu fyons ifyashala, mpaka wafika kumpela yamusebo nokupwisha umulimo obe, nga fintu Atungulwile ulya umwanakashi. Alefwaya uku Mubombela, eico Abikilefy amakasa Yakwe pansi nokumuleka—nokumuleka ena ayasamba. Oh, nga Atila ati, "Wicita ico," ena nga alitolweke nokubutuka. Lelo Ena alimulekele ukubomba umulimo.

¹⁸³ Kibili ilyo apwile, apwile umulimo wakwe uyo ali nokucita, nomba Aloleshe ulya bumbimunda uwaiminine kunuma kulya, uwaleesha ukuposa imfifi pe Shina Lyakwe. Atile, "Simoni, Ninkwata icintu cimo icakulanda kuli iwe; tekuli ena, lelo kuli iwe. Iwe, wiminine kunuma kulya, mumutima obe, e mulandu waci Ndetela kuno. Iwe tawakwata isenge na Ine. Bushe Nshaishibe ico? Lelo Wandetele pano. Kibili waci Njikalika kunma kuno, ukuti u Mpumye. Lekeni... Tawaci Mpela amenshi, ayakusamba amakasa Yandi. Tawanci Mpela icaku Ntalalika. Njikele pano, ndepya kibili ninkalipwa, tawaci Mpela amafuta yapamenso pa Mwandi. Wacumfwa insoni ukumpokelela noku Ntomona, nangu ukumposha mukuboko Kwandi. Mwamona? Wacumfwa insoni, kubanobe. Wacumfwa insoni ukucita ico. Uyu namayo, ukutula apo acishila, tacitilepo cimbi lelo acilasuba amakasa Yandi nokuyasamba nefilamba fyakwe ifyamumenso yakwe, nokufikumuna ne tawelo lya mushishi wakwe umwine. Nomba, Nalamulangishafye nga cakutila Ndi Kasesema, nangu iyo." Ameni. Nalitemwa ico.

¹⁸⁴ "Nomba Ndefwaya ukulanda kuli *imwe*, pali minitifye. Imembu shenu, ishaba ishingi, nasheelwa shonse." Hum!

¹⁸⁵ Bushe balibifishe i Shina Lyakwe? Batontonkenye ukutila bali Likwete. Batontonkenye ukutila bali Liminike. Batontonkenye ukutila bali Mucita icabipa icakuti ukupuputulwa Kwakwe takwakatale pitamo muncende. Batontonkenye ukutila balionawile ukongola Kwakwe. Lelo casendelefy umuntu umo uyo wa Mutemenwe, ukupilibula imibebe yonse.

¹⁸⁶ Kuti waishiba shani ukutila teiwe ulya muntu, kuncende iyo wikalamo nangu umuntu umo untu ukakumanya? Bula ulubali na Ena. U Mubombele umulimo. Mucitile icintu cimo Ena. Ishibeni ico Ndeplibula, mweba bwananyina? Senda ulubali lobe na Yesu. Mubule, Mupange Ena ukuba ubusalobobe. Mubombele Ena umulimo temulandu nangu umuntu umbi, nangu kuti walipilwapo, nangu icintu icili conse. Tacipanga ubupusano ubuli bonse. Lolela mpaka umulimo ukapwe.

¹⁸⁷ Kuti mwatemwa Alanda shani... Nangufye mwaliupepele abalwele, kibili tabapolele. Nangu wapepele ukuti ulandile

mundimi, kibili tawacitile ico. Wapepele ukutila useseme; tawacitile ico. Lelo, nomba, icintufye cimo ico wingacita kulanda ilyashi lyakwa Yesu, muchalichi cobe, nangu muncende umo wikala, kumulimo uko ubomba. Iwe tawacitilepofye nangu cimo; tawatungulwile umuntu nangu umo. Ulya namayo tatungulwile umuntu umo kuli Kristu, lelo ali Mubombele umulimo. Kibili bupusano nshi cipanga, kumpela yabulendo, Ena nga kuti atila, “Kibili Ndetila kuli imwe, imembu shenu shonse, nangu takuli ipepo nangu limo ilyasukwe pali imwe. Lelo, imwe mulesa pa mulingo wa Cebo Candi. Imwe mulesa pantu mwalincetekela Ine, kibili mwali Mombele umulimo. Kibili Ndelanda ukutila imembu ishingi isho mwacita shonse nashelewla kuli imwe”? Ico kuti caba icalinga icisuma kuli ine. Ameni. Ee, mukwai. Cisuma.

¹⁸⁸ Bena balefwaya ukulanda ukutila, “Inshiku shafipeshamano shalipita,” kibili—kibili nafimbipo. Lekeni bena batwalilile nokulanda ico. Lelo lekeni tubombe umulimo wakwa Shikulu.

Bali Mupatile pantu bale Mumfwila akalumwa. E mulandufye. Baleumfwa akalumwa.

Baleesha ukonaula ukongola Kwakwe pacinso cabantu, cimo cine ico balecita nomba. Bena, nga kuti ba on-... onaula ukongola kwa Mbila pacinso cabantu, nomba ninshi nabafilwa. Ico nacilungama. Pantu, mulandu nshi bale esesha ukucita ico? Pantu Alesusha amasambilisho yabo fyonse na masambilisho yabo yonse ayamachalichi yabo, nefintu fyonse ifyo bacetekelemo, nokwita fyonse ifyabo—fyonse ifyafitetelelo fyabo kibili nafimbipo. Tasumineko kuli fyonse. Kibili bali Mupatile pantu Ena talebwelela inuma ukuti asuminishanye nabo.

¹⁸⁹ Nomba, nga cakutila Ena alishilemo, atile, “Oh, Kayafa, we muntu umusuma uwakwa Taata Wand. Ine nine Messiya. Isa pano, Kayafa. Bushe ulemona yalya amenshi kulya? Uleibukisha, mulya mu—mu Egypto, Mose, kasesema mukalamba apilibwile yena mu—mu mulopa. Uleibukisha ico, Kayafa?”

¹⁹⁰ “Oh, we Mulumendo mwaice, Ine nalishiba nganshi pali lilya ilyashi.”

¹⁹¹ “Nacilungama, Kayafa, Nalapilibula amenshi nomba ukufuma mu menshi nomba, ukuya mu mulopa, ukulangisha ukutila Nine ulya Kasesema untu Mose alandilepo. Wamona ico, Kayafa. Cinshi uletontonkanya palwa ico?”

¹⁹² “Cinshi ico Iwe uletontonkanyapo,” Kayafa, ukuba umu Faliseo, “cinshi ico Iwe utontonkanya paba Faliseo?”

¹⁹³ “Oh, Ntontonkanya ukutila bena mutundu uusuma uwa bantu. Oh, imwe bonse mulasunga intambi isha ba wiso bwino bwino fye icalungama.”

“Namwishiba, Imwe kuti mwaba Messiya.”

¹⁹⁴ Iyo. Ena nga tali filya. Ico nga cali ica kwishibikilwako ukutila Ena tali. Lintu wamona umuntu umo aisa, atila, “Isa kuno kibili Nalakulangisha iwe ico Nalacita. Kibili isa kuno, Nalacita *ici* kibili nokucita *cilya*.” Waibukisha, pano pene nomba, palipo icintu cimo icishilungeme palwa ico, mukubalilapo.

Yesu atile, “Nshicita nangu cimo mpaka Taata anangisha Ine, mukubalilapo.” Mwamona? Ee.

¹⁹⁵ Ena taleumfwana nabo. Alefundu ukukana ifyo bena balefundu. Ena asushishe ukusunga kwe Sabbata lyabo. Asushishe umusango balefwalilamo. Ena asushishe inshila shabo shonse isha bwikashi bwabo, intambi shabo shonse, ukuwamya kwa fipe fyabo fyonse, kibili nokuwamya kwama ketulo, nokusamba kwa maboko, kibili ne fintu fyonse fimbì. Asushishe fyena, ifili fyonse. Ifyakufwala fyabo, Atile, “Imwe mufwala imingila yapikulwa, kibili mufwaya ifipuna fyapa muulu, kibili—kibili mupepa amapepo ayatali, kibili monaula amayanda yaba mukamfwilwa.” Atile, “Imwe muli nokupokelela ukusekwa ukwacilapo.”

“Ukuba, ibukisheni, Ndi Dokota Wakuti!”

¹⁹⁶ “Nshilesakamana ifyo iwe waba.” Oh, we mutu, Ena icine cine alefwala lyena. Bena tabacitile... Mulandu nshi? Pantu tabamucetekele Ena. Ali Cebo. Mwamona? Alefwaya ukwesha ukonaula lilya ibumba lya mafunde.

Kibili nga cakutila Ena ali pano pe sonde ileelo, Ena kuti aesha ukucita icintu cimo cine.

¹⁹⁷ Abantu bambo batila, “Ukuba, nomba, loleleniko pali mineti. Ifwe tulasunga Isabbata, lyonse. Ifwe tulacita *ici*. Kibili, namwishiha, tulasunga fyonse *ifi*, kibili tulasunga na *filya*. Kibili cila, mulandu nshi, Cisano onse Umusuma... Mulandu nshi, lintu inshita yakufunga ifyakulya yaisa, inshiku amakumi yaane ilyo Ipasaka talilafika, lyonse tulasunga i Nshiku sha ma cushi yakalamba. Ndaleka ukupeepa pa nshiku amakumi yaane. Ndaleka ukunwa pa nshiku amakumi yaane, ilyo, mu Nshiku shama cushi yakalamba.” Oh, intambi shaba shifwe, aba mafunde. Nga mwalitemenwe Lesa, imwe—imwe teti mulepepa, icakubalilapo. Imwe mwalitemenwe Lesa, imwe... Na—Nalembele kunuma ya Baibele yandi inono, iyakubalilapo iyo Natalile kwata, Natile:

Mwinjipusha amepusho ya buwelewele.
 Pangeni *ici* mumano yenu,
 Nga mwalitemenwe Shikulu nomutima wenu
 onse,
 Tamunwa ubwalwa, ukupepa, nangu—nangu,
 tamunwa ubwalwa, ukusheta, nangu ukunwa
 ubwalwa ubuli bonse.

¹⁹⁸ Kibili ico cicili icaiminina bwino bwino ileelo. Nshicita ico pantu Ndetontonkanya ukutila kuti Ansusha pali ico. Ine kuti nacileka pantu cena cintu cafiko, kibili tacalinga kuli kypyunga. Ico nacilungama. Ine tekuti ntile . . .

¹⁹⁹ Inshita ishingi Naleya kumayanda kibili kwaliko banamayo abaiminine panse. Kibili Naleya pa nga'nda, nakonkonsha pa cibi, kibili nkashi kuti aisa pa mwinshi, "Ingila, Munyina Branham." Umulume wakwe nga talipo, kanofye nga bulwele kibili nga ndi naumo, Nshingila. Kibili nomba banjita kucipatala, nangu kumuputule, batila, "Munyina Branham, isa kuno. Nine Nkashi *Wakuti-na-wakuti* ukufuma ku *Wakuti-na-wakuti*. Ndi—Ndi pano pa hotela. Nde—Nde—Ndetele bamayo. Balwele." Ndasenda umukashi wandi. Nga Nshicitile ico, Ndasenda umbi munyina. Mwamona? Nshi—Nshicitita. Nshiletontonkanya . . .

²⁰⁰ Ndetontonkanya kuti cabafye bwino kuli ine ukuya mulya, lelo inga nga cakutila umuntu umo amona ine ukuya mulya? Mwamona? Nga cakutila umuntu umo amona ine ukucita ico? Mwamona? Kanshi, icintu cakubalilapo namwishiba, bena kuti batila, "Ena aingile mulya umwali mwanakashi. Ena alekonka abanakashi." Ico, mwamona, cilya kuti caba icintu ico Nshilingile ukucita. Mwamona? Imwe tamulingile ukucita icintu icili conse icaba ngefyo, pantu imwe mulabika icipunwiso munshila yamuntu umbi. Mwamona? Nshilecetekela ukuti kuti Nacita icili conse icalubana mulya. Kuti, Nacita, nokucetekela Lesa ukwingila mulya. Te mulandu ifyo icintu cingaba, kuti Nacetekela Lesa. Lelo, nomba, mwamona, kibili—kabili—kabili Nalitemwa Shikulu bwino nganshi mpaka Ine tekuti ncicite. Mwamona? Cena kutemwa uko mukwete. Imwe, imwe tamwakacicite pantu cena mulimo ukucicita. Imwe mulacicita pantu mwalitemwa Shikulu. Tamufwile ukucicita, lelo mulacicita, nangu cibe ifyo.

²⁰¹ Paulo atile, "Kuli ine ifintu fyonse fyalisuminishiwa, lelo tefyonse ififwaikwa." Mwamona? Paulo alecita ifintu ifingi ifyo nalimo alishibe ukutila Shikulu alimwishibe, nokumucetekela, tacali icakabilwa ukuti ena acite ico.

Eico ulya e musango aba abamafunde, bale esha ukutila, "Inshiku amakumi yane ilyo Ipasaka talilabako, ifwe lyonse tulatendeka ukuleko kulya." Kibili balelya nganshi ngefyo batalalyapo. Limbi bena batila, "Ukuba, Ine nshatemwa cilemba, eico Ndeleka ukulya cilemba, palwa Lenti." Nalibomfwa ukulanda ico. "Nshatemwa inkumba, eico Ndeleka fye inkumba, namwishiba. Ndeleka ukunwa, palwa Lentii."

²⁰² Umwanakashi umo alinjebele, atile, "Nawishiba ico Ndeleka, palwa Lenti, uno mwaka, Munyina Branham?"

Natile, "Iyo. Cinshi?"

²⁰³ Atile, "Switi." Atile, "Nsha—Nshasakamene sana pali yena, nangu cibefyo." Mwamona?

²⁰⁴ Mwacimona ico. Nomba, baleta ukuleko kulya. Mwamona? Amafunde. Batila, "Ukuba, Nalikwata i... Namwishiba, Nda—Nda—Ndatalantanta ukuya ku chalichi inshita intali. Pantu, Ndemweba, Nalesunga isukulu lya pa Mulungu umwaka utuntulu, pantu kasambilisha wandi atile nga kuti bapela Baibele kuli ulya uushalofwapo nangu ubushiku bumo."

²⁰⁵ Nomba, munyina, ulya e musango umo uwakwilamo. Ine kuti cawama nayaishitilafye Baibele. Mwamona? Nga imwe tamuya ku chalichi pantu mwalitemwa Shikulu, kuti cawama tamwishileko. Epelafye. Mwamona? Pantu, imwe muya kulya pantu mwalitemwa Lesa. Ndetontonkanya pali ulu lwimbo twimba:

Upalwe umushipi uukaka
Imitima yesu mukutemwa kwa bwina Kristu;
Isenge lyamano ya bumunyina
Caba kwati caku Mulu.

Nga twapatukana,
Cilatupela ubukali bwa mukati;
Lelo ifwe tucili twalilundinkana mumutima,
Kabili ukusubila ukukumana nakabili.

²⁰⁶ Mwamona? Ico eco. "Ilyo twalekana, cilatukalipa mukati." Nalimona inshita, munyina. Nshatusushe, lelo lekeni mibushe kucintu cimo. Nalimona inshita muli cino chalichi, ukutila ilyo abantu balelolela mpaka pali Citatu ubushiku ukukumana umo nomubiye, bena balelila pali cena. Kabili ico nacilungama. Nalimona bakapyunga ukwisa muno kabili nokutila, "Musango nshi ucicitalamo? Ukuba, balya bantu, mutimafye umo." Mwamona?

²⁰⁷ Balakumana pa mwinshi nokutila, bankashi babakumanya umo no mubiye kunuma kulya, nokuikukutila umo nomunankwe, nokutila, "Nkashi, ube uwashininkisha ukumpepelako nomba, wemutemwikwa. Nkakumona nakabili pali Citatu ubushiku. Walapepa, bushe tawacite ico? Umpepeleko, Nakula kupepelako." Kabili balecita ifyo, nefilamba mumenso yabo.

²⁰⁸ Moneni ba munyina baleposhanya muminwe umo nomunankwe, cabili balafilwa ukulekana umo nomunankwe nga filya. Ilyo lisenge ilya bwina Kristu ilituntulu. Mwamona? Mwamona? Ukulolelafye, ukupepela umo nomunankwe. Ee, mukwai. Ulya e musango tulingile ukubelamo. Cisuma.

²⁰⁹ Nomba, aba bantu abalandile aya mashifi, tabali abantu ababipa. Tabalepilibula ukuba ababipa. Batontonkenye ukutila balecita umulimo wakwa Lesa. Balya aba Fariseo nefintu, tabali abanwa ifikola naba cakolwa. Bena bali abaume bakapepa. Bena tabali ababipa. Benafye—bena tabasuminefye

i Cebo ca Cine. Bena tabasumine Umupashi. Mulandu nshi? Bena baikatilile kumasambilisho yabo kibili ne—nentambi shantungulushi shabo. Mwamona? Cena calangishe ukutila balitemenwe intungulushi shabo.

²¹⁰ Uyu apa Kaifa umukalamba, shimapepo mukalamba. Palya pali bashimapepo bakalamba, kibili balya bantu baleya.

Nomba, buleni, nga Katolika. Bena... Tekuposela kuli bena. Icintu cimo cine icaba muli ba Protestanti. Buleni Katolika, ena alitemwa shimapepo wakwe. Kibili—kibili Nalamweba palwa Cebo cakwa Shikulu, kibili—kibili alemona imilimo yakwa Lesa. Atile, “Lelo ichalichi candi—candi talwaceteckela Ico.” Kibili mwaya mulelanda, nokumushinamo. Natila...

Namayo umo atile kuli ine, ubushiku bumbi, atile, “Lubembu kuli ine ukumfwa kuli iwe.” Mwamona? Ena talefwaya ukuba uwabipa. Ena atontonkenyefye nganshi pe chalichi cakwe nashimapepo wakwe, mpaka, nga aumfwile kucintu cimbi... Ena ali uwacumfwila kuli ulya shimapepo.

²¹¹ Inte yakwa Yehova inakila kufyo bera bacetekela. Uwaku Baptisti aba uwanakila kufyo bera bacetekela. Uwaku Presbyteriani wacumfwila kufyo bera bacetekela. Kibili bera babafye abanakila kuli bakakumba babo. Bushe teti tube abanakila ku Cebo ukufika uko? Mwamona? Nomba nga bera...

²¹² Ndefwaya ukumwipusha icintu cimo. Mwatila, “Ukuba, Munyina Branham, waishiba shani ukutila tefyo baba?”

Nomba, nga balya ama Fariseo naba Seduke, nentungulushi sha bulya bushiku, nga balitalwike ukufuma kumasambilishao yabo nefishilano, nokumfwa kufyo i Cebo casosa kibili ifyo Yesu alelanda, filya finefyre ifyo Messiya alingile ukucita, bera nga balikatilile kuli Ena. Mwamona? Lelo bera bacindike nganshi intungulushi shabo!

Bena tababa abantu ababipa. Bena teti bebe, babepe, batukane, icintu conse icaba ngefyre. Bena teti bacite ico. Bena tekuti bacite ubucende. Mulandu nshi, mucine iyo. Mulandu nshi, bera kuti baba inte kukulaswa amabwe kwa muntu uyo uwacitile icintu camusango ngoyo. Kibili bera tekuti—bera tekuti bacite ico. Bena bali abantu abasuma.

Lelo icintu cimofye icalipo, tabali abaume bamupashi. Mumibebe, balifye bwino, lelo ico tecipendwa. Kibili nicinshi ico Yesu abebele, nangula balya bantu abacumfwila? Atile, “Imwe muli bakwa shinwe, ciwa.” Mwamona? Cena Cebo ecipendwa.

Nomba Nalaangufyanya ngefyre cingacitwa.

²¹³ Nomba, bera tabali abaisushiwamo na Mupashi, lelo bali abanakila nokwikatilila ku cisumino icipyre ica ntungulushi shabo. Mwamona? Cisuma. Bukapyunga bwakwe

bwalelangisha isambilisho lyabo. Bulya e bwafya. Nomba moneni. Nalalibulafye. Nomba fye . . .

Bamunyina, Ine—Ine, Ndi—Nalamwipusha, njeleleniko, apa pene, pakusenda inshita itali. Ndi . . . Limbi tamwakafwaye ukuti nkese kuli umbi. Lelo, moneni. Umfweni kuli ici. Mwamona? Ndefwaya imwe ukuba abashininkisha ku kubula ici.

²¹⁴ Nomba, balikwete amasambilisho yabo, kibili yali amachalichi ayakalamba na bantu abakalamba, kibili abantu abakalamba, abantu abamushilo, abantu abasuma, abantu abatekanya, abantu abawama, abantu abacindama, abantu abamucinshi, abasambilila, abacenjela, bakapepa. Bushe ico nacilungama? Kibili ifwe bonse twalishiba ico. Icsumafye ngefyo mwingsanga kuncende konse. Mwamona? Lelo ilyo Yesu aishile, bukapyunga Bwakwe bwalelangisha isambilisho lyabo, pantu Lesa aleshininkisha bukapyunga bwakwa Yesu Kristu ukutila Aali pambo Nankwe.

²¹⁵ Bushe Petro ta ambwile icintu cimo cine? Atile, “Mwe bantu bamu Israeli, lekeni ici cishibikwe kuli imwe, kibili kutikeni kufyebo fyandi.” Atile, “Yesu wa ku Nasarete, Umuntu uo Lesa alangile kuli imwe.” Mwamona? Mwamona? Nga bena . . .

²¹⁶ Ngefyo uyu muntu impofu asosele, “Bushe ici tecintu cakupapusha? Imwe muli intungulushi sha bumupashi isha calo, kibili Umuntu uyu aisa nokwisula amenso yandi kumaka yakwa Lesa, kibili nomba tamwishesha nangu cimo palwa Ena.” Atile, “Ici cintu icawamisha.” Ena alikwete icintu cimo. Bushe tacitile? Ena mucine alicitile. Cisuma. Ena alicitile ico. U Muntu uwingacita ici, kibili nomba bena tabaishibe uko Aali. Nomba ico cali icintu cakupapusha.

²¹⁷ Nomba moneni ileelo, bamunyina. Mwamona? Ifwe twalikwata i, twalishiba ukutila twalikwata ukusela kwakwa Lesa. Tmwalishiba ukutila Cena cilebomba ifisungusho. Cena kundapa abalwele. Cena cilebusha abafwa. Cena ciletamfya ifiwa. Cilalandila mundimi nokwilula indimi. Cilapela ubusesemo; filacitika. Alitulangile ifiloto, ukwilula; icapwililika, mukukonka bwino bwino. Nomba bushe tecintu iceni ukutila intungulushi ishikalamba kuti shalanda ati tuli ibumba lyabantu abafulungana, ilyo bena nintungulushi sha calo, intungulushi shamachalichi? Ico cintu cakupapusha.

²¹⁸ Cena ni cinshi? Cena cicili kalumwa. U Mupashi na maka ne Cebo cakwa Lesa muli shino nshiku shakulekelesha ulelangisha ifishilano fyabo namasambililo, ecabaofye kuli ico, icakuti calilenga abantu ukupofula.

Eico, mwebabwananyina abacaice, imwe bonse mwe baleyia kuma chalichi, ikatilileni ku Cebo cakwa Lesa. Mwiesha ukusela. Nga imwe tekuti mulenge Cena ukufikilishiwa, mwiiminina munshila ya muntu uuli onse. Iminina palya,

uleuma pamwinshi wa mpongolo, ulesontafye kuli Ici. Ico nacilungama. Ikala apo pene. Mwitendeka ukufulungana, pantu cili nokukulangisha. Lelo nga uli nokwikala uwacine kabili uwa mushilo, kabili nacilya Cebo, Lesa ali no kukushininkisha. Ico nacilungama.

²¹⁹ Bukapyunga bwakwe bwalelangisha amasambilisho yabo nefishilano. Eico balyesheshe imisango yonse uku Mufumyapa, iyo bengasanga. Icintu conse ico bengasanga, uku Mufumyapo, balicicitile. Ukwesha ukutila, “Ukuba, nomba, lolesheni *kuno*. Lolesheni *kuno*, *Wakuti-na-wakuti, uyu umo*.”

²²⁰ Ulya Ali palya, naikala kulya, ubushiku bumo, mu nga’nda yakwa Simoni, uwafibashi. Tapali ishiwi nangu limo ilyatila Alimundep. Ena ali uwafibashi. Tapali nangu cimo icilelanda ukuti Alimundep. Ico nacilungama.

²²¹ Alipitile pacishiba ca Bethesda, kabili palya palambalele nalimo abantu amakana yabili, abalemana, impofu, ifite, nabaonsa. Kabili Aendele ukuya ku mwaume umo nokumundapa, nokufumapo. Mwatila, “Ukuba, nomba, nga Ena ali ni Messiya, Ena ngalyundepe bonse muli bena. Nga Ena ali uwaisulamo inkumbu nga fintu bonse mulelanda ukutila efyo Aba, nga Alikwete uluse pali balya bonse.”

Ifintu fyonse ifyo bengasanga, ifyakuti babike itoni lyafita pali Ena, balificitile. Ifintu fyonse ifyo bengasanga, bena balifiposele pali Ena. Cisuma. Bena basendele akashita konse eko bengawkata, ukufumyapo, ukumufumyapo Ena.

²²² Baipwishe palwa kufyalwa Kwakwe. Ukufyalwa Kwakwe kwali mumepusho. Babikile ico kuntanshi yabantu. Bena bafililwe ukukutuluka pafyo Ena afyelwe ukufyalwa kuli nacisungu. Kabili Yosefe, Wishi, alingile ukuba kapala wambao. Kabili Ena afyelwe ilyo Yosefe na Maria tabalaupana. Baposele ico kuntanshi yabantu. Ee, mukwai. Mwamona? Ni cinshi ico Ndelanda nomba? Bena bale Monaula. Mwamona?

²²³ “Lolesheni kuli Ena. Nikwisa uko Ena afumine? Moneni Nyina, tacilile pali cilende wa mumusebo, akwete aka kanya. Kabili panuma umwana afyalwa... Ena ali kale nefumo, umwana ali nokufyalwa, elyo Yosefe amupile, ukuti alifise, kabili nomba aischele panga ifyapala... Mulandu nshi, cena mulimo wakwa ciwa. Bushe tamulemona? Cena cabu umusango wakufyalwa.” Bena baposele ico kuntanshi yabantu, ukwabula ukubelenga muli Baibebe, Esaya 9:6, “Nacisungu akemita.” Mwamona? Cena cali ni cinshi? Bena balitalwiwe ukufuma ku Cebo. Ifyo efyo cili.

²²⁴ Baliposele ifintu fyafita pa maka Yakwe. “Mwe baume, bushe tamewishibe ukutila tuli basambi bakwa Mose? Bushe tamewishibe ukutila tuli babomfi bakwa Kristu? Bushe tamewishibe ukutila tulafwaya mu Malembo cila bushiku? Kabili tatukwete icintu nangu cimo.” Batile, “Messiya ali nokwisa

kwi tempele Lyakwe. Tapali ishiwi nangu limo ililelanda pali Ena ukwisa kwi tempile. Alikwisa Ena? Lisukulu nshi Afumineko? Ipusheni uuli onse mubabwananyina, bonse babili ba Methodisti, na Baptisti, na ba Presbyteriani, namwishiba; aba Fariseo, ba Seduke, nabambipo. Citupa cesenge nshi Ena akwata? Insambu Shakwe shili kwisa icakuti aleshimikila? Ena talashikwa. Ena takwata nensambu ishakushimikila.”

²²⁵ Atile, “Ukulashikwa kwandi kwafuma kuli Lesa. Imilimo yandi ishininkisha ifyo Naba.” Ico nacilungama. “Nshilingile nokukwata amapepala yenu.”

²²⁶ Mwamona ifyo Ndepilibula? Bena baliposele cilya. Isambilisho Lyakwe, mulandu nshi, bena Mwitile ati Belesebuli. Isambilisho Lyakwe, bena balifililwe ukwiluka.

²²⁷ “Malandu nshi, Ena talesuminako ku ntambi shonse ishaba shifwe. Ena talesuminako ku ba Fariseo. Ena talesuminako ku ba Seduke. Ena talesuminishanya nebumba lyonse ilya bena. Nomba, nikwisa uko Ena afumishe Isambilisho Lyakwe?” Ukufuma muli Baibebe, mucine.

“Ukuba,” mwatila, “ukuba, nomba, Naishiba shani ukutila Ico nacilungama?” Lesa alicisuminishe.

Filya efyo umwaume impofu alandile. “Cena cintu iceni, nga muli abalungama nganshi kibili Ena ali mucilubo nganshi. Lelo Ena kuti asenda amaka yakwa Lesa nokwisula amenso yandi, kibili imwe tamwatala amumona cena cacitwa napapene, nangula. Ico cintu iceni.” Oh, owe! Nalitemwa ukubula ulubali na Ena, bushe imwe tamwatemwa? Mucine. “Mwatila imwe muli basambi bakwa Mose, kibili imwe muli abalungama nganshi kibili Ena ali mucilubo nganshi, lyena lekeni mone imwe ukucita ifintu ifyo Ena alecita.” Ameni.

²²⁸ Kulya eko, Isambilisho Lyakwe, bena bali Musushishe, fyonse ifyakulanda Kwakwe. Bena batile, “Ena takwata... . Ukulanda kwakwe kwali lubene, ukwakuba Messiya. Kuti Aba shani Messiya, tesa kuchalichi? Musango nshi Ena engaba Messiya? Kibili ifwe tuli pano, amafuta yamu Israeli.”

Lelo amafuta yalisashile. Mwamona? Oh! Ee, mukwai. Yalikwete balunshi muli yena, eico bena—bena bali nokufumyapo cilya.

²²⁹ Eico ena atiile, “Ifwe tuli pano, ichalichi, abasalwa. Ifwe tuli... . Ifwe twalisunga intambi. Twalisunga amafunde yakwa Mose. Twalicita fyonse ifi fintu, kibili ukuya pansi ngefi. Kibili uyu Muntu aisa nokususha ifyo tulelanda. Kibili kunse yaico, ba shimapopo besu abamushilo, shifwe uwamushilo, ninani uwacitile *ici* kibili ninani uwacitile *cilya*, kibili nefintu fyonse fimbì ifyamusango uyu, kibili bonse abaume besu abakalamba, kibili Ena alabeta ‘abakwa ciwa,’ nomba aita Umwine Umwana wakwa Lesa.” Oh, owe! Mwamona?

²³⁰ Bena balyeseshe ukuposa filya ifinshingwa pe Shina lyakwa Yesu, kabiili pali Yesu, ukucitwala kucinso cabantu. Ifingi nganshi kuti fyalandwa kulya, lelo filasenda inshita itali nganshi. Lelo cinshi? Lelo i Cebo kabiili imilimo yali Mushininkiske ena. Ameni.

²³¹ Oh, kubacetekela abaccine, abalingilwa kabela abo abalingilwe kabela uku Mumona nokwishiba bukapyunga Bwakwe, ulya Ali palya. Te mulandu nga Ena aliswilepo akanwa Kakwe pacintu icili conse, bena balishibe ukutila Ena ewali. Alleluya!

²³² Ulya cilende umunono umukote aile kulya kucishima bulya bushiku, mukusenda imbeketi yamenshi. Kabiili uwacikalamba Umuntu uwaikele kulya, atile, "Ndetelako Ine ayakunwa."

²³³ Atile, "Mulanu nshi, tacaba mulutambi kuli imwe mwe ba Yuda ukwipusha umwanakashi uwa ku Samaria ifya musango uyu."

Atile, "Lelo nga walishibe Uo ulelandako!"

²³⁴ "Nomba," ena atontonkanya, "uyu pano umu Yuda uwacenjelesha." Ena alipilibwike, atile, "Namona ukuti Muli ba Yuda. Kabiili nga Muli mu Yuda, mucine, Imwe muli bakapepa, kabiili Mwatila, ukupepa ku Yerusalem. Lelo shifwe, Yakobo, anwine ukufuma muli ici cishima, nokunwisha ing'ombe shakwe apa. Kabiili amenshi yaliba ayashika, kabiili Imwe tamukwete nangu cimo icakukulilako. Kabiili ifwe tupepela muli ulu lupili."

²³⁵ Atile, "Imininenifye pali miniti. Kabiye uyesenda umulume obe nokwisa kuno."

Atile, "Nshakwata mulume."

²³⁶ Atile, "Iwe walanda icishinka." Atile, "Iwe wakwata basano. Iwe walikwete basano, kabiili na umo untu uleikala nankwe pamo nomba te obe."

²³⁷ Ulya cilende umunono, uwalingilwa libela, Ine kuti namumonafye ena abika ilya impoto panshi, kabiili ena atiile, "Mukwai, Ndemonia ukutila Nimwe Kasesema." Mwamona? Mwamona?

²³⁸ Lulya lubuto lwalikele kulya. Icintufye ceka ico lwalefwaikwa cali Menshi, kabiili Amenshi yaliwile pali lwena.

²³⁹ Ilyo Yena yawile pali balya aba Fariseo, batile, "Ena ni Belesebuli." Tekuti lulete nangu cimo. Takwali nangu cimo kulya kanofye ifyani, efyafumineko.

²⁴⁰ Lelo ilyo lulya lubuto lwalingilwa kabela lwaumine yalya Menshi ya Mweo, atile, "Mukwai, Mulingile ukuba Kasesema. Ninjishiba ukutila ilyo Messiya akesa, Ena akatweba ifi fintu."

Atile, "Nine Ena, uulelanda kuli iwe."

²⁴¹ Ashile umutondo wakwe, nokwingila mumusumba! Alikwete icintu cimo icakulanda. Atile, "Iseni, mumone Umuntu

Uunjebele ifintu ifyo Nacita. Bushe uyu te Messiya wine?” Mwamona? Ena asendele ulubali na Yesu. Ico nacilungama.

²⁴² Icintu iceni, bushe tefyo cali? Bonse aba Fariseo naba Seduke tabamwishibe Ena, kibili uyu cilende alimwishibe Ena. Mwamona? Mulandu nshi? Balya aba Mucetekele, noku Mutemwa, nokumona ifishibilo Fyakwe, balishibe ukutila cilya cali icishibilo cakwa Messiya. Takuli ukucishinguluka. Balicishibe.

²⁴³ Ilyo Nathaniele umukote aile kulya. Nalimo, ilyo Filipi talabako, atile, “Nomba, Nshaishiba palwa uyu, Filipi. Nalimona ifintu ifingi ukwima muli ishi nshiku shakulekelesha. Ninjishiba kuli ifintu ifingi ificitika.” Lelo ena aendele kulya kuntanshi Yakwe. Atile, “Ndi nokuya umfwa kuli Ena, nokumona ico ali nokulanda.”

²⁴⁴ Aile kulya, kibili Yesu atile, “Moneni umwina Israeli uo muli ena tamwaba ububi.”

Atile, “Mwe kasambilisha, Mwanjishibe lilali?”

²⁴⁵ Atile, “Ilyo Filipo talakwita, ilyo waciba mwisamba lyu cimuti, Nacikumona.”

²⁴⁶ Cinshi cacitile ifyo? Amenshi yaumine ulubuto ulwalingila kabela. Oh, owe! Ilyo Yacitile ifyo, atile, “Rabbi, Nimwe Mwana wakwa Lesa. Nimwe Mfumu ya Israeli.”

²⁴⁷ Cali ni cinshi? Ulubuto lwaikeli kulya, ulwateyanishiwa. Lesa alilubyele kunuma kulya ilyo umufula wesonde taulalengwa; Lulingile ukuleta Ulubuuto pali ilya ine nshita. Alleluya!

²⁴⁸ Kulya ekwiminina kwandi, palya pene, munyina. Apo epo Nacetekela, palya pene. Ndashimikila Cena, kibili Cena cilewila *apa* na *palya*, kibili bena balaya *ulu* lubali na *lulya* lubali. Tacipanga ubupusano ubuli bonse. Kuncende imo, Cikoma pa lubuto. Kibili ilyo Cena cacitile, cena cikapupukila ku Mweo, nga *filya*, mucinefye nge sonde. [Munyina Branham alisha umunwe wakwe umuku umo—Kale.] Ee, mukwai.

²⁴⁹ Nga fintu, “Ulya mulumendo impofu,” atile, “ici calicitilwe ukutila imilimo yakwa Lesa ingalengwa ukumonekela.” Mwamona? Mwamona? Alishibe ico cali nokucitika. Mucine, Alicitile. Cisuma.

²⁵⁰ Nomba, abalingilwa kabela, ilyo bamwene ifishibilo Fyakwe mu Fyalembwa, alishibe ukutila i Cebo cashininkishe imilimo, nangu imilimo yashininkishe i Cebo, ukutila i Cebo cali icalungama. Bena balingilwe kabela uku Cimona, kibili bena balifye mumushilwa waku Cimona, kibili bena bali Cikwete.

Elyo batile... Panuma ilyo bamwene tekuti baye nangu kumo.

²⁵¹ Pantu abantu balingilwe kabela ku Mweo wa Muyayaya, bena bali noku Cisanga. Epelafye. "Bonse abo Taata ampela Ine bali nokwisa kuli Ine. Kibili bonse abo abesa kuli Ine, Nkapela u Mweo wa Muyayaya nokumwmya pabushiku bwaku shalikisha. Takwakabe nangu umo pali bena uukuluba." Ameni. Ndeikatilila kuli ico.

"Teku milimo, teku milimo, te kumaka, tekubulamba; ku Mupashi Wand, efya sosa Lesa." Te fintu Nacita, fintu Naba, nangu ifyo Nkaba; lelo ifyo Ena aba. Kibili Ndi muli Ena. Kibili conse ico Ena aba, Ndi lubali Lwakwe. Ameni. Nalipusushiwa pantu Ndi cilundwa Cakwe. Kibili, Ena, Ena ni Lesa. Kibili Ndi cilundwa ca Ena, pakuba umwana Wakwe. Ico nacilungama. Eico tefintu Nacita, ifyo Ndi nokucita. Nifyo ifyo Ena acita. Uko e kusubila kwandi, kulya kwine. Cisuma.

²⁵² Eico balimwene bena ukuti tekuti baye nangu kumo. Nalatolokelafye ayanono aya Malembo pano. Balimwene ukutila tapali epo bali nokufika, na Ena.

Eico, namwishiba, icintu icakonkelepo ico bali nokucita, kwesha uku Mufumya pancende, baile nokulanda kuli ba munyina Bakwe naba nyina Bakwe, "Namwishiba, Ena nanaka nganshi. Mufwile ukumusenda Ena kulubali lumo, pakashita akanono." Lilya ibumba lya babumbimunda! Tabacitilefy, icintu, cena cali, bena tabalefwayaafye ukusenda, icintu ico tabalefwaya ukucita... Balefwaya uku Mufumyapo. Tekutila batontonkenye ukutila Ena alinakile nganshi. Bena kuti batemwa Abombesha Umwine eka mpaka awfa. Lelo inshita yonse Ena afumine, ifisungusho fyatampile ukulapongoloka, i Cebo cakwa Lesa caleya.

Ine, bushe teti Ntemwe uku Mumfwa aiminina kulya bulya bushiku, kululamba lwabemba, ilyo Aitile Simoni Petro, kabilis atile, "Nkonkeni Ine!" Nga Nalininine pa ciputulwa cacimuti nokuya kulya, nasha amasumbu yandi, nokushya icimuti cakulobelako, Munyina Crase, nokwikala kulya, ukushintilila kunuma pa ciputulwa ca cimuti nokumfwa kuli Ena aleshimikila ilyo Ena aingile muli bulyo bwato! Oh, owe, owe! Nga Nalitemenwe uku Mumfwa ilyo Alandile ukutiila, "Iseni kuli Ine, imwe bonse mwe bacucutika nefisendo ifya fina. Nkamupela ukutusha." Ameni. Nga nalitemenwe uku Mumfwa ukulanda ico.

²⁵³ Balyeseshe ukweba nyina Wakwe ati a Mufumye pancende. Batile, "Ukuba, nawishiba, Na—Nabombesha. Ndecetekela ulingile uku Musenda muli ulyo musango." Inshila ili yonse, icintu, icakuti bamufumyepo Ena, ifyo efyo balefwayaafye. Ee, mukwai.

²⁵⁴ Nakabili, abengi abaile pamo Nankwe, kusangafye icifulo caku Muteyelapo. Bushe mwalishiba ico? Abantu baleyafye

pamo Nankwe, ukuti basangafye icifulo. Bena bali Mupele, ubushiku bumo, ikobili. Kabili batile, “Rabbi . . .”

Ilyo tabala Mupela ikobili, batile, “Rabbi, ifwe tuli ba Yuda. Twalishiba ukutila Imwe mwaliba Umuntu umukalamba uwakwa Lesa.” Oh, ulya bumbimunda! Mwamona? Ee. “Twalishiba mwaliba Umuntu umukalamba uwakwa Lesa. Ee, Mukwai, Rabbi.” Bena baleendafye pamo Nankwe. “Oh, mwashibukeni, Munyina! Oh, ifwe tuli abansansa nganshi ukutila Muli muno mucalo cesu! Oh, ifwe tuli abansansa uku Mimona! Ifwe tuli icine cine kulubali Lwenu, ameno namaala yakumakasa, Munyina. Nga Muli nokukwata ukupuputulwa, ifwe limbi kuti twaampa na Imwe.” Mwamona? Ifyo bena baleesha ukucita kubika iciteyo pali Ena. Mwamona?

²⁵⁵ Batile, “Nomba, twalishiba ukutila Imwe mwaliba Umuntu umukalamba uwakwa Lesa. Imwe tamutina ukutemwikwa kuumuntu nangu umo. Imwe ta mutina nangu cimo kano Lesa. Kabili twalishiba ukutila Mwalishipa. Oh, Tamwaba aba mwenso ne Mbila Yenu! Twalishiba ukutila Nimwe Kasesema mukalamba, pantu takuli umuntu uwingacita nga filya kabili uwabula umwenso ne Mbila Yakwe munshiku nge shi, kanofye Ena aali ni Kasesema wakwa Lesa, alishiba apo Ena eminine. Eico, twalishiba ukutila Imwe tamupela umucinshi ku umuntu, takwaba umuntu. Rabbi, Imwe mwaliba Umuntu umukalamba. Ifwe tuli ba Yuda. Ifwe tuli abalungama na Imwe, Munyina. Ifwe mucine efyo twaba.

²⁵⁶ “Nomba, Rabbi, bushe cilifye bwino ukupela umucinshi kuli Kaisare?” Oh, lilye bumba lyá ba bumbimunda! Huh!

Loleleni. Mupashi wa Mushilo ali pamo Nankwe. Ena ali Mupashi wa Mushilo. Mwamona? Atile, “Namukwata ikobili?”

Batile, “Oh, ee, ee. Ee. Ninkwata ikobili, ee, Ninkwata.”

Atile, “Lipele kuli Ine.” Atile, “Cikope cakwa nani cilipo?”

Batile, “Kaisare.”

Atile, “Nomba peleni Kaisare ifyakwa Kaisare; Lesa ifyakwa Lesa.”

²⁵⁷ Uku Mubikila iciteyo, ukulumbula ukuba ifibusa Fyakwe. Camoneke kwati takwali nangu umo uwinga Mwiluka. Bena kuti baenda pamo Nankwe pakashita akanono, nomba noku Mufulilwa, no kufumapo. Bena kuti batila, “Oh, ukuba, ifwe twatontonkenye mucine . . .” Nangu abasambi batile, “Ifwe twatontonkenye mucine ukutila uyu ali ni Ena uyo wali no ku . . .” Mpaka, nao Yohane alitumine, ali Mwipwishe ukutila, “Bushe Nimwe Ena, nangu bushe tulelolesha kuli umbi?” Mwamona? Oh, wemweo uyo Afwile ukwikala, mwamona, kabili ukwishesha ico! Lelo Akwete ubwiminishi bumo, ubukabilo bumo: ukubomba umulimo wakwa Lesa. Abengi baleyá pamo Nankwe, ukuti basangefye incende apaaku Mubikila iciteyo.

²⁵⁸ Nomba, Ndesubila tacili icamusalula nga Natila cena cabafye cimo cine ileelo. Abengi baleisa nokukonka ukulongana, ukuti basangefye incende, ukuti bamone iwe wapepela umuntu umo.

²⁵⁹ Kuno, tekale sana, nkashi umo uya kuli ici chalichi, cali kuchalichi cimbi uko Lesa alepanga ifintu fyonse ukucitika. Kabili yuu nkashi atile kuli nkashi umbi, atile, "Namwishiba, ulya mutu uwinka pepelako abalwele," atile, "afwile alikwata u—u—umweo wakucimfyia nganshi." Kabili atile, "Ena alingile ukuba uwalinga, ulupwa lwakwe, ifintu fyonse, ukuba uwaundapwa ku cebo icalandwa, nga *filya*." [Munyina Branham alisha umunwe wakwe umuku umo—Kale.]

Kabili namayo umbi afumine ku Jeffersonville. Kabili Ndi uwashininkisha ukutila takuli nangu umo ulingile ukwishiha, lelo fintu Yesu atile, "Pakati kabantu benu mwebene," namwishiha, "icalo cenu." Ico nacilungama. Ulya e mulandu wine Ine... Cena limbi kuti caba ukutila ino ine nshita, cileisa mupepi, cena limbi kuti caba inshita imbi, mwamona.

Kabili atiile—atiile, "Nawishiba?" Atile, "Tapali nangu umo pabana bakwe abenga kwata kabulwelele, kanofye abutwala kuli dokota." Umubusu, uwapanshi, uwasela amano ngeffyo, mwamona, mwamona, namayo alefwaya ukuluka. Atile, "Ilyo abana bakwe balwala, alabatwala kuli dokota."

²⁶⁰ Uuli onse uwamano ali nokucita icintu cimo cine. Ee. Abantu tekuti beluke ukutila umuti watumwa na Lesa. Mulandu nshi, mwe babwananyina, nga tacili, cena cakwa ciwa. Mucine, efyo cili. Lesa eko umuti teti ufike. Mucine cine. Umuti wakwa Lesa. "Ukuba," mwatila, "Nalishiba ukutila ba dokota abengi ababafye..." Oh, ee, kabili Nalishiba ukutila bakashimikila abengi baba umusango umo wine, nabo. Temuntu ulecikata, fintu caba. Nalishiba abantu abengi baleikata i Cebo cakwa Lesa, tabacetekela nangu ni mukundapwa kwa maka yakwa Lesa, tabacetekela nangu ni muli Lesa. Cisuma. Lelo bena ba Cikata, nangu cibe ifyo. Kuliko abantu abengi kunse nomiti, nokubombelwa, nefintu, abo abakana Lesa nefintu fyonse ifyashala, lelo kwaliba abengi aba Mucetekela nabo. Eico nga caafwilisha abantu, cena cakwa Lesa. Ine nshilingile uku... Ine nshilingile ukusenda ilya motoka no kunina ku ng'anda muno bushiku. Ine kuti naenda nga Ndefwaya ukucita. Lelo Lesa alimpangile motoka, eico Ndatotela Lesa pali ico. Fyonse ifi fintu fifuma kuli Lesa, lelo fibomfyeni namano. Taufwile wapena nafyo. Mwamona?

²⁶¹ Icintu cimo cine, eico, ico, ico eco, mwamona. Ukweshafye ukusanga icintu cimo, kuli yuu umusambi umunono, ukuti bakoweshe ishina lyabo, ishina lya—ilya milimo yakwa Lesa. Mwamona? Balefwaya ukulyonaula. "Inshita yonse umwana alalwala, umo pabana bakwe, alabatwala kuli dokota."

Mucine, kuti Nacita ico. Lyena nga dokota tekuti... Ndi nokulomba Lesa ukungafwilisha ilyo Nshilaya kulya. Nomba nga dokota tapali nangu cimo ico engacita palwa cena, lyena Ndi nokumusenda pa muluko panono. Uh-huh. Ico nacilungama. Ee, mukwai.

Oh, cimo cinefye ileelo, baleesha ukusanga iciteyo kuncende imo.

²⁶² Alibeshibe, lelo moneni, Tatalile bakalipila. Aleya pamo nabo. Uh-huh. Acita icintu cimo cine nomba. Aya pamo nabo, alabalangisha uluse Lwakwe, ico nacilungama, nangula bena balacita fyonse ifyaku Mususha. Mulandu nshi? Pantu Ena alibatemwa. Kibili Aleya pamo nabo.

Lelo bena lyonse baba abaiteyanya ukwita pali Ena kumulandu wamukampampa. Bena bale Mufwaya lilya. Bena balefwaya... Bena bakasenteka umuntu umo, uwa kubilikisha. Bena bakasenteka umuntu umo uuleushimikila ukundapwa kwa maka yakwa Lesa, batila tabacetekela muli kwena. Tabalati balwalefye ukufikapo. Nalyumfwapo abengi.

²⁶³ Umwanakashi, uwalefwa, lilya linefye Naishile nina pamasitepu, ilyo Naleshimikila pano pene. Kibili umwaume aiminina palya pene pamwinshi, alenjita. Ena alipitile. Aleikala mulya mumusebo uno, kibili alikwete ing'ombe kunse kulya. Kibili atile, "Ngo'mbe yandi nga yalikwete bukapapa ubwa musango nga buntu Billy akwete, kuti Naipaya ingo'mbe." Tapapitile ora imo ukufuma apo, alipuminwe nokutwalwa kucipatala, namayo umusuma umwaice.

Kibili Nalibutukileko kulya. Umulume wakwe ali ni Katolika. Kibili balintumine. "Ena alefwa. Kibili ena aile... Amenso yakwe yalifimbile yatumbuka. Atile, 'Mwiteni. Mwiteni. Mwiteni. Bwangu bwangu. Bwabu bwangu.'"

²⁶⁴ Kibili munyina alibutwike nokwiminina palya pamwinshi, nokulolela nokulolela, kibili ena alitwalilile ukunsontelela. Kibili incende yaliswilemo abantu. Kibili panuma yakashita, umuntu umo aisapo nokubika akapepala pa—pa tebulo apa. Katile—katiile, "Umuntu umo alefwa mucipatala."

Kibili Ndecetekela, Munyina Graham Snelling, Natile, "Senda icifulo candi mpaka Naya." Kibili ena kuti aiminina fye nokutungulula ukwimba. Ena taitilwe nangula, kibili uku—ukushimikila, pali ilya nshita. Ena aishile mukutungulula ukwimba.

Kibili Nafumine nokunina muli motoka yandi, nokubutukila kulya. Kibili lilya linefye Nanina pama sitepu, apemene umupu wakwe uwakulekelesha. Kibili, mucine, amala nemfyo, ifintu fyonse, ukubomba. Kibili Nabutukile mulya, kibili balifumbile pamenso, kibili nomwela wakaba ulefuma ngefyo. Kibili ulya nashi umukote aiminina palya, atile, "Munyina Branham, acilapunda alekwita nomupu

wakwe uwakulekelesha.” Aleesha ukucilungamika, lelo inshita yalipwile nomba, mwamona. Ee. Na imwe. . . Kuti mwabembuka inshita ishingi nganshi, namwishiba.

²⁶⁵ Kibili alikwete kwati. . . mukati kacino cakwe. Alikwete imishishi ishakashikila; namayo umusuma nganshi. Kibili iyakwe—iyakwe imishishi yalisakwilwe. Amenso ayakalamba yalifumine, kibili yaliselwe citika. Kibili utumatomu twapamatobo twaishileplibuka, aali uwatitikishiwa, mpaka twatuntumene kwati tupumba pamenso ponse, nakanwa kakwe nakesuka. Kibili Naile palya nokumulolesha.

Kibili umulume wakwe aiminine palya, nokutila, “Billy, ifi efyo caciba.” Atile, “Ndi Katolika. Ndefwaya umupepeleko, pantu ena naya kumutwala.”

Natile, “Auti shani?”

²⁶⁶ Atile, “Mupepeleko.” Atile, “Ena naya kumutwala. Acipa pachalichi cobe nalimo ama ora yabili ayapitapo, kibili atile, ‘Nge ngo’mbe yesu yalitalile kwata bukapapa bwenu ubwa musango uyo, ena kuti aipayo ingo’mbe.’” Mwamona? Atile, “Mupepeleko.”

²⁶⁷ Natile, “Nincelwa. Alingile ukutula umweo wakwe pano, telintu afika kuncende imbi.” Mwamona? Ico nacilungama. Oh, ee.

Lelo ifwe lyonse tu Mufwaya munshita yakupelelwa. Abantu, Ine nalibomfwa baletila, “Nshacetekela muli Lesa.” Lekeni aicene icine cine, umuku umo, moneni Uwakubalilapo ali nokwita.

²⁶⁸ Nangula abasambi Bakwe, inshita imo ilyo bali mumfula yacipupu. Nangula, ilyo ba Mumwene, bali abamwenso panono kuli Ena. Tabaishibe bwino bwino ifyo Cena cali. Batile, “Wena mupashi.” Kibili bena balibilikishe. Lelo, nomba, isubilo lyonse ilyakupusushiwa lyalipwile, eico bali Mwitile ukwisa. Ee. Kulya, lyonse, nga cakutila muletunganya panono nangu iyo. Ilyo isubilo lyonse lyapwa, mwalitemwa uku Mwita mukati. Ee. Bali Mwingishe, pantu balikwete uku Mukabila. Ico nacilungama.

²⁶⁹ Namwishiba, Ine lyonse ndasunguka, inshita shimo, nalimo ulya e mulandu wine ifipupu fimonekela. Bushe mwalitala amutontonkanya pali ico? Ena aikele palya no kulabalolesha mpaka bena ba Mukabila, kibili elyo Ena aishilemonekela. Eico, ifwe kuti twamona uku Mukabila kwesu nomba. Ifwe tulemona ukutila imfula yacipupu ileisa, munyina. Lekeni tusende ulubali na Ena muno bushiku. Sendeni ulubali ne Cebo Cakwe.

Na—Na—Nalekela pano.

²⁷⁰ Lekeni tusende ulubali na Ena. Lekeni ifwe, imwe na Ine, mwe babwananyina, tuilunde pamo na Ena, muno bushiku. Imfula yacipupu ileisa. Kibili mwilolela mpaka akabwato

akanono kakebile. Lekeni tu Musende mu cikwa cesu icinono nomba.

Imwe limbi kuti mwalolesha kumbi nokutila, “Ine tekuti njiluke fyonse ifi fintu, Munyina Branham.”

²⁷¹ Moneni nga cakutila twalandapo icintu icili conse kano icaba mu Cebo. Moneni nga cakutila kuli icintu cimo kulya kano ico Alaile ukucita. Cena limbi kuti camoneka icatinaya kuli imwe, inshita shimo. Mwatontonkanya ukutila, “Oh, owe. Ine tekuti njiluke Ico.” Lelo kukaba ubushiku ilyo uyu mweo wenu uleya. Cena—cena tacakamoneke ububi nganshi kuli imwe lyena. Ilyo waishiba, wemwine, ulingile ukubwelela kuli Lesa uyo uwakubumbile iwe, iwe uli no kufwaya uku Musenda mulya lyena. Lekeni tu Musende nomba, ilyo imfula ya cipupu tailabipilako ukucila ifyo yena ili.

²⁷² Nde Mufwaya mumutima wandi. Nde Mufwaya nganshi mumweo wandi, mpaka umubili wandi onse waisushiwa; ukutila amano yandi, amatontonkanyo yandi, ifintu fyonse ifyo Ndi, fyatekwa nokutungululwa kuli Kristu Yesu. Ndefwaya ukuluba nganshi, ku—kuli nemwine, icakutila fyonse ifyo Ndi nokwishiba nokumona ni Yesu Kristu.

Kabili Ndefwaya ukwisa ku cinsö cenu bonse, nga Lesa uwa ku Muulu asuminisha imwe ukukwata ifi fintu ifyo Nalandapo. Illo Naisa pakati kenu, Ndefwaya ukwishiba Kristu, Ena uwatanikwe. Nde—Ndefwaya ukwishiba ubukata na malumbo yakwa Lesa ayawamisha. Ikaleni pansi pakati kenu, kabili nokumfwa kapyunga umo aiminina nokupela amalumbo kuli Lesa, kufyo amwene acita mu chalichi cakwe. Umbi, ifyo amwene ukucitwa mu chalichi cakwe. Umbi, ifyo amwene ukucitwa mu chalichi cakwe.

²⁷³ Ifyo bwino bwino efyo balecita. Kabili ilyo baisa capamo no kukumana mwisenge, mu Milimo ya Batumwa 4, balelondolola ifyo Lesa acitile *kuno*, kabili nefyo Lesa acitile *kuno*. Kabili Petro na Yohane balilopwelwe. Kabili—kabili—kabili apangile ubulayo ukutila bena bali . . . ifyo bali nokubacita nga cakuti balikonkenyepo ukushimikila mwi Shina lyakwa Yesu. Kabili balongene nabantu babo, kabili bonse bapepele nomutima umo, nokupepa mubufwayo bwakwa Lesa, kabili aambwile Amalembo. “Mulandu nshi abasenshi balefulilwa, nabantu baleelenganya icintu ca fye?” Kabili ilyo bapepele, Mupashi wa Mushilo watenkenye incende uko balongene capamo.

²⁷⁴ Ulya e musango wakulongana tulekabila. Ico eco tulingile ukukwata, mwebabwananyina. Lekeni tube abacingililwa ne Cebo cakwa Lesa, ku Mupashi wakwa Lesa, ku maka yakwa Lesa. Kabili lekeni u Lubuuto lwesu lubalike nomba, ukutila twingaba nga Stefano.

²⁷⁵ Ena aiminine palya, umuntu umo, eka, ilyo kalya kabungwe ka Sanhedrin aka citika wa millioni wa baume, nalimo,

baiminine kulya. Cila umo muli bena ukulasonta umunwe wabo uwakubepesha mucinso cakwe. Ilyo ulyo muntu umunono aile kulya, atile, “Ena alibalike nga malaika.” Nshilepilibula, nalimo, ulubuuto pacinso cakwe, nga filya. Malaika talingile ukukwata ulubuuto pali ena. Lelo malaika muntu nomba... Malaika ninkombe, kabili inkcombe iyo iyaishiba ico illelandapo.

Ena aile kulya nokutila, “Mwe baume, naba munyina, na bashibo, bashifwe mu Messopotamia, ifyo baletelwe, na Abrahami,” kabili nafimbipo, kabili kuli *Wakuti-na-wakuti*. Kabili nomba afikile kunshita yakonaika, atile, “Oh, mwemyuma nkonso, abashasembululwa mumutima namumatwi, mulandu nshi mukanina Mupashi wa Mushilo? Nga fintu bashinwe bacitile, efyo mucita.” Ena alishibe bwino bwino ifyo aimininepo. Ulya e mulandu wine alebalikila. Ena tali nomwenso nangu panono. Ena alishibe Uyo untu ena acetekele.

²⁷⁶ Nangula ilyo imfwa yakonkwenshe pacibi icamutima wakwa Paulo Washila. [Munyina Branham akonkwenshe pa cintamba imiku itatu—Kale.] Kabili atile, “Nalishiba muli Uyo Nacetekela, kabili Ndi uwashininkisha ukuti Ali uwalinga ukusunga ico cintu Napela kuli Ena ukulola kuli bulya bushiku.” Ameni.

²⁷⁷ Shikulu amupale, mwe babwananyina. Njeeleniko ukutila Nimusunga muno mpaka amaminiti amakumi yabili na yasano mpaka leveni. Ninjishiba ukutila tacicitika kuli imwe. Ndelomba ubwelelo pakucita ico. Lelo mwaciba bwino nganshi muli ino inshita yabushiku; tapali nangu umo uwile. Mwacikala nokumfwa ukwabula ukupumfyanishiwa.

Kabili Nincetekela nokusubila ukutila, mukunono, ukwatobaika, ukwamwenso nokusakamana ukulanda, ukutila Lesa, Mupashi wa Mushilo, nakwata kumo uko apongolwelemo u Lubuto lunono mumutima wenu, ukutila amaka yakwa Lesa yali nokuma noku Luleta ku Mweo, nga ulya umwanakashi pa cishima, kabili nabambi abo abalingilwa kabela ku Mweo wa Muyayaya. Lesa amupale.

²⁷⁸ Munyina Neville, walatusalanganya, nangu nicinshi ico ulefwaya ukucita? Uli shani? Munofye...[Munyina Neville atila, “Ndefwaya iwe utwalililefy.”—Kale.]

Bushe mwali Mutemwa? [Ulukuta lwatila, “Ameni!”—Kale.] Bushe muli noku Mubombela? [“Ameni!”] Bushe muli noku Mucetekela? [“Ameni!”]

Ameni!

Bushe mwali Mutemwa? Ameni!

Bushe muli noku Mubombela? Ameni!

Bushe muli noku Mucetekela? Ameni!

Ameni! Ameni!

Tulefwaya ukulwimba. Ameni!

Ameni! Ameni! Ameni! Ameni!
Baibebe yaccine. Ameni!
Nincetekela Ico. Ameni!
Cena Cebo cakwa Lesa. Ameni!
Ameni! Ameni!

Natwiminine.

Ameni! Ameni! Ameni! Ameni! Ameni!
Shikulu, twali Mutemwa. Ameni!
Ameni! Ameni! Ameni! Ameni!
Ifwe twalicetekela ukutila Imwe muleisa.
Ameni!
Tuli abaiteyanya uku Mikumanya. Ameni!
Iseni, Shikulu Yesu. Ameni!
Ameni! Ameni!

Twapepa kuli Lesa ukuti atulenge ukuba abawamisha pansiita shonse, muku Mubombela.

Ameni! Ameni! Ameni! Ameni! Ameni!

Ndesubila Ena ali nokumupala, nokumusunga, nokumusunga, nokumona pakati kesu, noku Milasa mu Bufumu Bwakwe, ukucita imilimo iikalamba, nokungafwilisha mwibala mpaka tukakumane nakabili.

Ameni! Ameni! Ameni! Ameni! Ameni!
Ndi nokumupepelako. Bushe mwalampepelako?

Ameni! Ameni! Ameni! Ameni! Ameni!

²⁷⁹ Mwe Shifwe, ifwe natulongana muno bushiku mwi Shina lyakwa Shikulu Yesu uwacindama, lilya ilyatemwikwa kabilo ilyawama i Shina ilyo bonse twatemwa nokutasha. Ndetontonkanya ifyo amabumba yabantu bapita mumyaka yakunuma, pa myaka amakumi yataku nangu ukucilapo, tulalongana muli cino cikulwa icinono icakale. Ifyo twaleikala natushinguluka icitofu namakasa yesu nayatalala nganshi, mupepi, nokwikala palya na makasa yesu pamulu wacitofu, nokulanda pali Shikulu Yesu.

Ndetontonkanya pamakasa yawama ayapitilepo pesonde, ayaikele nayalya amakasa pamulu palya. Ndetontonkanya pali Munyna Seward umukulu, Munyna Slarks, Munyna George DeArk, naimbi imyeo iyawama iyayantile amakasa yaiko kucitofu ico, iyaya mukukumanya Shikulu muli ino nshita yabushiku, ukutusha kulya munshishi, ukulolela kuli kulyo kuliila ukukalamba ukwa ku Mulu. Balewishishe ubulwi. Basungile Icicetekelo. Balipwishishe umulimo. Kibili nomba baleleolela icilongwe ca bulungami, Shikulu Kapingula wa bulungami akabapela bulya bushiku.

²⁸⁰ Mwe Taata Lesa, twalipepele ilyo twalachike ici chalichi cinono pacifutu, kabilo twatile, "Shikulu Yesu, lekeni ciminine

kabiliabantu babe muli cena ilyo Mwatoba imyulu, ukwisa muli ilya nkama, ukuya bwangu ukwa Chalichi.” Lesa, Napepa ukutila imyeo iyo ileisa kuli ici cipailo, imyeo iyo ile Mibombela, u Lubuto lwa Mbila nsuma uloo lwabyalwa uku noku, kabili uku noku, kabili uku noku, ukuciluka kuno, pa myaka amakumi yatatu, ukutila twalicetekela abengi muli balya bantu abasuma bakaba kulya pali bulya Bushiku, pa mulandu wa uku ukubomba ukwa nakuka uko tulebika, ku kuleta i Cebo kuli ulyo Mweo uwalingilwa libela. Tule Muasha pali cena. Kabili tulesubila, Lesa, muno bushiku, ukutila peba nangu umo lelo uyo uuli nokubapo pali bulya Bushiku, ukufimbwa no Mulopa, ukwikashiwa muli Yesu. Peleni ici, Taata. Ifwe twalicetekela muli Ena.

²⁸¹ Nomba ifwe tuli nokukumana pano nakabili pa Mulungu ulucelo, abengi pali ifwe. Kabili twapepa, Lesa, ukutila Imwe mwalakumanya nokutumokawila Umukate wa Mweo.

Lesa, ifwe tuleibukisha Munyina Ruddell nencende yakwe pamulu palya, uko balya abalebeshi pamo nankwe. Beni na ulyo mulumendo musuma, Shikulu, Napepa. Kabili Namumona aisa, mukumona aba abalumendo, Ndeumfwa kwati niba Timote bandi. Napepa, mwe Taata, ukutila Imwe mwalapala Munyina Ruddell na bukapyunga bwakwe. Paleni Munyina Junie Jackson. O mwe Lesa, tulepepa ukutila amapalo Yenu yali nokuba pali ena, pali Munyinefwe Crase, pali Munyina Snelling, pali uyu umbi munyina kulya uyo ulesenda icifulo cakwe, kabili Munyina Beeler, kabili munyina, bonse aba bamunyina muno, Shikulu, na Munyina Neville, kabili cila umo muli ifwe, Shikulu. Ifwe twapepafye ukutila amapalo Yenu yamwentule pali ifwe, ukutila inkumbu Shenu shikabe fyonse ifyo tukabila, Shikulu, kukutwalilila.

Kabili lekeni ifwe twikatalalabako ilyashi ilinono, muno bushiku. Nangula ulyo mwanakashimunonouwaiminine kulya, ukwabula ukwishiha ifyo impela yali nokuba; lelo Yesu alekabila ukumukutika panono, kabili ena alepela ico kuli Ena, ee, ukusamba inkasa Shakwe. Icintu cimo icishasakamenwe nangu balya abailumbwile ukuba ababomfi Bakwe balifililwe ukucicita, kabili bena baleesha uku Mushenteka. Lelo ena ali Mubombele umulimo, ukwabula ukucetekela ukulambulwa, kabili takwingaba ukukalamba ukwingacilapo pakwapelwe.

²⁸² Lesa, lekeni tucite icintu cimo cine, tutwalilifeye ukuya pantanshi nokubomba umulimo wakwa Lesa. Kabili bonse eco tukabila ukucita, Shikulu, kumfwa, pali bulya Bushiku, “Cena calicitilwe bwino, we mubomfi Wandi umusuma kabili uwacishinka. Ingileni mukusangalala ukwa kwa Shikulu uko ukwa pekanishiwa imwe ukutulafye pamfula wesonde.” Mwe Lesa, tupeleni ukucita ico, kabili nokuba nesenge pamo umo nomunankwe. Kabili lekeni Mupashi wa Mushilo abe naifwe nokututungulula nokutulangilila muli fyonse ifyo tucita. Kabili

tupeleni inshiku ishingi mumweo wesu, nalimo, nga cena kuti caciitwa, ukumona Ukwisa kwa kwa Shikulu Yesu. Twalombela cena mwi Shina Lyakwe. Ameni.

Ipalwe intambo iikaka
Imitima yesu mukutemwa kwa bwina Kristu;
Mwisenge lyamano yalupwa
Caba kwati niku Mulu.

Nga twapatukana,
Nomba cilatukalipa mukati;
Lelo ifwe tucili twalilundinkana mu mutima,
Kabili tulesubila ukukumana nakabili.

²⁸³ Baibele itila, “Ba imbile ulwimbo nokufuma.” Lesa amupale nomba, mpaka Nkamumone nakabili, pa Mulungu ulucelo, Shikulu ngasuminisha. Shalenipo.

²⁸⁴ Jim, Nshacikuposha muminwe, muno bushiku. Lesa akupale. Shikulu Akupale.



UKUSENDA ULUBALI NA YESU BEM62-0601
(Taking Sides With Jesus)

Iyi Mbila na Munyina William Marrion Branham yaletelwe intendekelo mu Cingeleshi pali Cisano mucungulo bushiku, mu Kapepo kakalamba pa 1, 1962, pa Branham Tabernacle mu Jeffersonville, Indiana, U.S.A. yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org